



潯山縣志卷十五

人物志五

忠節

嗚呼士生亂世忿兇焰之披猖奮然起隴畝執耒耨糲糠矜與犬
羊相抗不幸戰敗陷胸斷脰以死者不可勝數彼其一瞑不視
但鼓其熱血義不返顧初未嘗冀倖後世之名而予遺之僅存
者披榛莽理荒穢日處愁憂恐怖之中亦未暇取死事者之姓
名一一上之官府而表彰之青燐碧血長埋於空山荒寂間蓋
比比也豈不悲哉吾潯西連楚北通豫南俯長江爲省會之屏
蔽萬山叢雜蹊徑紛歧賊得之則易成負隅之勢自昔用兵者

皆力爭之咸豐時以蕞爾邑養鄉勇數千壯者隸行伍老弱任轉輸所以冒鋒鏑蹈白刃而不悔者蓋保衛身家之計迫而同仇敵愾之念深也茲編所錄於近時較詳以其去今未久耳目所易及也然此外暴骨沙場姓氏不能知蒐訪所未及者豈少也哉述忠節傳

宋劉源字叔清淮西野人原義兵長也

野人原
潛山地

性慷慨負大節

咸淳中聯絡山寨保障鄉里德祐元年范文虎以安慶降元景炎二年源與淮人張德興殺太湖縣丞據司空山傅高舉兵應之源建寨野人原相犄角復黃州壽昌軍與元宣慰使鄭鼎戰樊口鼎敗墜水死八月元兵攻源寨不克遂移兵襲司空山張

德興傅高皆死黃州復陷源不勝憤力戰而死自景炎至祥興

守禦凡三年

一統志安
徽通志

舊志稱源馭衆有方保障生靈十萬勒

石山巔紀其事

按山巔刻石至今猶存土人立廟祀之號曰護地大王祈禱

輒應

新
增

元葛昂字銘德元季兵起募義兵保障鄉里駐皖山累立戰功事聞授安慶萬戶府金符千戶後天完兵攻安慶府城陷死之

江南
通志

邱喬元萬戶左丞余忠宣公女壻也陳友諒寇皖喬隨闕守安慶大小二百戰同死難妻余氏及其子海民濟民亦與難

陳宗義官都統制為左丞余忠宣副將至正十六年內申與天完兵戰於潛山東鄉九都何家坂卒於陣

明柳升懷甯人襲父職為燕山護衛累功遷左軍都督僉事永樂初從張輔征交趾還封安遠伯七年從陳瑄帥舟師巡海大破倭追至金州白山島明年從北征大破阿魯台進封侯帝凡五出塞升皆有功宣德元年命充總兵官征黎利連破之升易賊而不設備追至倒馬坡馳渡橋橋壞後隊不得上賊伏四起陷泥淖中中鏢死子溥襲正統十二年贈升融國公諡襄敏

明史

按柳氏族譜升曾祖森本江西九江人習賈售木皖城世亂

道梗不得歸遂居懷甯清水河祖鼎一由懷遷潛之前村父伯英伯父崇原名伯玘洪武中以功授燕山護衛百戶戰死升承襲世職本傳為懷甯人墓雖在懷而祖若父世居潛邑其支庶子孫皆為潛人前明諸勅畫像至今猶存故仍繫之潛志其子孫襲爵出鎮者以勳衛居京師事蹟具詳明史茲不備載

馬興係明代開國功臣選充羽林右衛總旗吳元年攻蘇州傷故

聶聰字守愚永樂甲申進士官監察御史彈劾不避權貴巡按四川墨吏多解綬去會交趾國王被賊臣犂季犂所逐王奔愬

永樂三年勅聽爲行人送王歸國至片站山路蒙翳伏兵突至

竟殺王脅聽使降不屈被殺事聞予諡文節崇祀忠孝祠詔以

聰子恭任長沙經歷迎柩歸葬故里

舊志

黃孟五以義勇從討倭賊屢立戰功授千戶賊懼其勇併力擒

之脅之降不屈賊支解之

安慶府志

王九鼎字在德歲貢生知武強縣以不肯催科忤臺使挂冠歸

尋補江西按察司知事移知儀封創築甌城流寇不敢犯改補

故城縣城薄不可守寇至自瘞其印死之先是九鼎以單騎赴

任親知無在左右者子基泰時泰叩關上書奉旨查覆撫臣黎

玉田等稱其歷任屢著惠績一死凜烈千秋贈太僕少卿蔭一

子一統志明史孫士清乾隆四十一年賜諡節愍明朝殉節諸臣錄

美傳安慶府志

弟九賓負才名早卒

舊志

江襟楚字雲渚或曰懷寧人泰昌元年薦授興安知縣轉瓊州府通

判地苦蠻人爲患襟楚爲設備禦患遂止以疾歸崇禎丁丑遇

流賊被執不屈截舌而死江南通志清乾隆四十一年賜諡節愍明朝

殉節諸臣錄懷甯志亦載

汪之璞字石生流寇爲亂衆聚保崑崙寨推璞爲長獻賊環攻

璞以計多所斬獲寨賴以全嘗上勦撫八策於撫軍黃配元召

至麾下會省親歸寨遇寇被執大罵不屈賊支解之一統志性英

敏善孫吳兵法崇禎末與陳文露共長寨事殉難在菊花岡遇

賊搜獲牌票脅之降大罵不屈遂及於難撫軍黃閔之大慟給

忠烈千古額監軍道張亮親為致祭

舊志

王基培(舊志作培基)字爾因弱冠補諸生明末寇亂乃棄舉

子業從事戎行入監軍楊卓然幕以功補太湖縣城守獻賊破

城不屈死之一門四十餘口俱遭屠戮

江南通志

陳貞申郡庠生少負志節有文行崇禎丁丑為流寇所執不屈

賊曰爾秀才可為我供書寫貸爾死貞申厲聲曰我豈為賊役

者憤罵不已賊支解之

江南通志 安慶府志

王宏綱明季流寇大股至潛綱率鄉團與寇戰眾寡不敵潰退

綱以身先扼險於上五河熊嶺嚴剿禦二晝夜斃賊頗多糧盡

力竭墜巖死賊去後其家取殘骸具衣冠葬焉鄉人德其捍禦

敬其義勇立碑以紀之

新增

王世美舉明經負氣節丁丑年為賊執見其狀貌魁梧欲脅為

首領不從且責以大義賊怒殺之子命基邑諸生以哭父不食

死

舊志 江南通志

吳自周少負才志以明經補九江司訓敦文造士聲重儒林性

素清介家居壁立崇禎丁丑為寇獲縛而辱之周憤詈曰狐鼠

輩何敢辱我死不旋踵矣賊斷其首

舊志 安慶府志 江南通志

徐顯問邑諸生嗜古善屬文崇禎壬午應試南闈不售恥歸鄉

負笈走淮陽以一經授生徒自給家鄉被賊據遂號泣赴水死

舊志 安慶府 志 江南通志

王立邦行己方正戊寅夏為賊執逼之降不從火烙無完膚罵不絕口賊以亂杖斃之賊久踞山旬日後其子應斌歸殮則二犬守其屍時溽暑顏色如生

舊志 安慶府 志 江南通志

劉守中字禹中崇禎中以明經授涇縣司訓乙酉五月南京覆知事王先甲遞邑紳士推署邑篆八月涇城破守中懷印死涇

志載名宦

江南通志

懷甯志亦載

邱全土寇攻崑崙岩脇全招降全至岩門大呼固守勿降賊刳其腹而去

江南通志

胡士恂諸生性至孝學邃於易左兵陷城恂慷慨罵賊死妻張

氏亦赴水死一子再寅紹虞俱悲憤不食死虞妻蔣氏亦自縊

殉姑

江南通志

按省志作懷甯人懷寧志亦載而潯邑有廟魏侯其瓚詳准祀忠孝祠安侯清翰為之贊蓋以潛人而僑居省城者故兩誌之

鄭著中邑庠生強志立學嫻於詞章遇賊脅之跪強項不屈身受數刃賊委而去高聲罵賊賊聞回以刃批膚達腋而絕

舊志

嚴明炤流寇逼境侍母不去賊至叩頭求免賊釋之後母卒又為寇執毅然曰向為親屈今豈可再辱遂憤而鬪死之

安慶府志

金承恕邑諸生字叔平少有俊才虎頭寨破賊執其妻手及數

賊而死

舊志

張九成邑諸生弟苞不食盜食同饑死崇禎辛巳

舊志

朱應旂邑諸生精文義有膽智當寇焰方熾結衆保聚手及數

賊賊大至縛之去不屈死

舊志

鄭邦符邑諸生品質端嚴橫經授徒年七十七尙應試賊至強

其拜舞符曰鼠子敢爾我聖人之徒肯爲寇黨辱哉痛詈之賊

怒捲以藁蓆投烈火中死

舊志

謝嘉猷邑諸生性和易屬文高雋品重士林崇禎十四年被賊

執驅以重役猷憤罵之賊繫其項以行益憤罵遂遇害

舊志

金承裘邑諸生博聞強記家貧好酒醉後輒朗吟或痛哭或媵

罵人率謂其狂裘亦不屑與俗伍值賊掠縣西裘被執罵不絕

口賊支解之

舊志

葛廣聲邑諸生賊繫罵不絕口而死

舊志

張應慶邑勇士也膂力過人流寇入境慶獨持械與賊抗賊率

衆悉力圍之被擒脅以降慶曰吾乃良民也豈從爾賊乎賊以

刃絕肢洞其胸而死

舊志

徐益隆家貧嗜書丙子春爲賊執以大義折賊賊怒遂遇害

舊志

張棟與母徐氏媳馬氏義不受賊辱赴水死

江南通志

盧繼治年僅九齡賊愛而撫之大怒罵賊而死又盧勝任盧全

錕皆不屈死

江南通志

范功

舊志註陳

天啟丁卯武魁任守備隨監軍道史征寇沒於陣以

身捍敵視死如歸其裔有吉陽越皆列成均贊曰大哉丈夫不

惜身軀為主勇烈浩氣獨殊享祀千秋人臣楷模

舊志

葛修懋邑諸生明季寇亂民各築寨自保遂主梅家寨寨破死

之事載宿松朱太史書杜谿文集

以下新纂

王立紀崇禎間被賊執罵不絕口賊怒殺之拋其首於他處子

應聲時年十齡尋父屍屍多莫辨刺血以認十指盡破鄉人贊

曰父忠而決威不可刳子孝而烈幼能刺血是父是子光昭日

月

葛修文崇禎丁丑寇擾殉難載通志

張如鉞字爾集邑庠生崇禎十四年七月遇寇不屈夫婦同時

死難

陶光榮性剛直有膽略明末流寇擾皖光為保衛民生計集丁

壯扎寨於豹峯山賊驟至力不支被執不屈遂遇害妻韓氏聞

變奔往殯殮畢遂以身殉夫婦同穴觀者傷之

劉應玉字輝山性伉直不求仕進家貧授徒鄉里明季流寇至

欲脅降之玉厲聲曰我聖賢之徒也豈從賊乎賊怒及其胸而

死妻朱氏亦赴水以殉

劉前運字開泰明季流寇犯境民率寨居運乘間運糧至清平

堰遇賊不屈死

陳廷楹邑諸生雋才嗜學性孤介年饑陞取麥根榆皮充腹時

上有團毬之令衆憐其苦推爲長謂可藉以自潤楹叱之曰爾

等緝盜與爲盜等耳吾豈降志辱身哉從容自縊死舊志

金承毅邑諸生母爲賊執草中躍出救之爲他賊所傷舊志

張昌祐邑庠生祐同母王氏妹桂貞三人崇禎乙亥俱被賊執

憤罵不屈俱遇害舊志

金承庚邑諸生績學善文宮牆有聲與賊鬪不屈而死舊志

儲達孝邑諸生字帶水藝苑有聲寇獲脅跪大罵不屈賊怒殺

之妻江氏撫幼子繼昌有成人稱其節元孫道中庠生舊志

桂永洋字少東爲人忠厚樂易而性頗執憤土寇之亂願爲餉

道負累死舊志

張昌祚總鄉勇黑虎冲殺賊數人死之崇禎丁丑舊志

桂振燭三舉鄉賓兩賑饑荒縣令柯郡侯楊皆旌其門壬午春

被賊執逼降不屈火烙之大罵而死越旬子應昌歸殮顏色如

生舊志

葛廣儲讀書有大志絕意仕進辛巳遇寇不屈死舊志

清鄭之僑諸生流寇入潯率鄉衆保聚飛旗堡見堡衆漸爲賊

所搖惑欲單騎出奔爲讐家先以情告賊遂殺安慶府志

徐益志字維升順治五年投誠授遊擊領兵平四十八堡連下

十餘寨賊用向導從間道襲破之罵不絕口死巡撫李猶龍旌

以捐軀報國扁額

安慶府志

徐德恩儲揚王世綱朱萇濮揚涂國林徐起鳳馬駒孫攀桂何吉馬良駒林恩勝程安國王世泰王斌汪榮魁徐贊查雲高朱爵張元徐延珍孫鼎紀榮祿徐枝仁張連高王定國李朝曹德元曹魁元王蘭牛必貴楊占魁陸吉葉安葉安邦俱潯山人嘉慶二年奉檄從軍先後陣亡均賜祀昭忠祠

安慶府志

准入昭忠祠

張玉質字德仁嘉慶元年幕遊陝西房陵適白蓮教倡亂五郎關州主以質多謀幹具文武才請統鄉勇三千與舉人楊芳互

相救應屢獲勝仗德侯文將軍奏保守備獎給翎頂至漢中力戰陣亡崇祀陝西忠烈祠

張玉贊質弟字德義痛兄陣亡憤不顧身德侯奏頒守備印後在鳳河力屈被執罵不絕口遇害亦祀陝西忠烈祠

張杰字漢卿道光己亥舉人咸豐辛酉隨官兵克復安慶並追剿援賊功保同知銜知縣分發陝西到省數日卽檄署鄠縣時賊踞盤屋多將軍統馬步全軍連營百座圍之鄠當兵衝轉運軍裝糧餉心力俱瘁調補宜君宜君舊無城杰築城募勇整飭守備堵禦三年之久與士卒同甘苦回匪屢次撲城多方擊却以功陞用同知直隸州同治丁卯五月賊圍城以巨炮擊退圍

解復台八月天降淫雨城垣崩塌數十丈冒雨督修且戰且築
時有斬獲會城中糧盡回匪攻城愈急城陷杰在城樓北向再
拜曰恨不能手刃賊渠命也脅降不屈怒罵不絕口而死事聞
詔賜祭葬給雲騎尉世職准馳驛扶柩回籍陝撫喬松年輓聯
云效忠無愧睢陽烈歸骨能令皖水香蓋紀實也杰家居時設
爲善局鳩同人施棺木到任捐廉銀五百兩爲祖公彌虧累亂
平後潯城尙有民捐民辦兆字五營民疲供給杰多方籌畫請
邑令轉詳大憲應時解散以蘇民困其識大體多類此歿後崇
祀陝西昭忠祠安徽忠義祠宜君縣建立專祠弟又被脅不屈
亦遇害載通志忠節傳

照省志
增輯

余宗鼎字良才僑居陝西商南縣庠生有大志道光時獬匪猖
獗鼎倡練鄉勇禦匪閭里德之後卒爲匪乘被害

新纂

儲金海邑武生外委咸豐二年同侯炳南侯中元涂國祥從征
湖南與髮逆戰於岳州新牆驛均陣亡金海世襲雲騎尉

安徽
省志

徐昌邑武舉以湖南新牆勦賊軍功五品藍翎咸豐三年從潯
山營遊擊德成至安慶省城禦髮賊於懷寧之九華嶺陣亡世

襲雲騎尉

安徽
省志

徐繩武千總兼恩騎尉世職咸豐三年調守廬州轉戰臨淮傷
重卒於軍又五品頂翎王玉在臨淮陣亡

安徽
省志

劉輝閣邑武生千總銜隨官軍復潯太各城咸豐六年禦賊被

執死

安徽省志

計德祥桐城天甯莊外委以功保藍翎把總咸豐六年在懷遠

縣陣亡

安徽省志

王三畏六品軍功咸豐六年會同霍邱練總劉遐志擊髮賊於

澗山西門陣亡世襲雲騎尉同時從三畏死者十七人又蘇洪

巷戰死聶大有追賊陸家店死

安徽省志

儲寅邑廩生嘗率親黨守三和山扼險禦賊咸豐六年助官軍

收復縣城會乏食鄉兵散歸寅復傾家餉衆得三百人聞城復

陷嘔血仆地半日而卒

兩江忠義錄

宋沛霖咸豐六年會同霍山練勇攻賊追至陸家店被圍戰歿

兄作霖於次年戰賊黃龜中鎗死叔慎階族弟曲譜同時被害

又六品軍功劉蘭初在懷遠陣亡

兩江忠義錄

王之由邑監生成豐七年同儲漢江儲孔書等帶勇襲賊湯池

坂與丁克儉等二十二人俱陣亡又吳效坤手刃數賊與儲義

林儲桂廷儲保身儲禹桂汪東海劉公英俱陣亡

安徽省志兩江忠義錄

楊前智邑監生成豐七年同陳崇禮儲浦還帶勇數百禦賊黃

沙嶺均陣亡是役王達材率彭光烈等百二十三人余能甲同

余贊疇等十餘人自成一隊黃春才同劉訪賢等十六人六品

軍功儲萬疆率儲蘭桂雷禮和等三十六人俱在黃沙嶺戰歿

歲貢徐琛首先起團及是團敗自經均蒙予卹祀上清斑竹坂

忠義祠又武生劉長青及華直道汪德懷等七人王冠羣葛世

慕楊燄林及黃永升等二十二人均以帶勇擊賊陣亡

安徽省志

程金殿咸豐七年同程朝班等九十人操九保等十四人及余

行衛等均力戰髮逆於湖田等處陣亡縣丞王春亦禦賊死

安徽

省志

徐宗勝把總咸豐六年從秦定三克復舒城七年轉戰屯埠營

潰陣亡

安徽省志

宋如虎武生六品銜咸豐七年禦賊黃龕陣亡世襲雲騎尉又

程升高在牛肩嶺陣亡彭賢相彭賢文蔣顯名均各闔門殉難

安徽省志

王緒爵營率勇扼大關口又戰賊湯池坂黃沙嶺咸豐八年賊

竄天堂緒爵堵剿死之是年儲瓊玖在後河山徐全秀在楊家

河徐龍年在溪石河及劉復修俱以帶勇陣亡

兩江忠義錄

王元武舉咸豐六年從李元華復濳山城已而仍陷八年李續

賓再復濳山旋有三河之挫濳山復陷元死之是年張德彩亦

帶勇禦賊陣亡王秀巒率徐林中等余芳聯同汪立德汪立言

等俱禦賊水吼嶺陣亡

安徽省志

儲萬理儲篤因俱監生成豐八年禦賊月亮塘陣亡均同治年

贈從九銜世襲雲騎尉萬理等並一門殉難是年儲景新同兄

道傳帶勇月亮塘與姪春麗春波春鳴等三十五人曹丙炎林

殿傳等百餘人均死之儲萬祺儲春芸帶勇揚旗嶺朱貴宗張

京元王心維帶勇牛肩嶺與吳蘭桂卻名揚王楚材王銘勳等

俱禦賊死

安徽省志

朱玉衡字秀立諸生成豐初倡義團練助官軍克復城池七年

賊竄天堂玉衡駐軍黃沙嶺會同本縣及霍山團練二千餘人

大戰嶺下殺傷甚多賊乃遶道抄襲義勇死六百餘人八年隨

知縣克復縣城聞三河軍敗嘔血斗餘卒

兩江忠義錄

儲開元武舉歷署泗州千總咸豐九年從葉兆蘭在兆營擊賊

水吼嶺菖蒲潭等處與六品銜武生儲烈俱陣亡均世襲雲騎

尉

安徽省志

汪春濤儲者才聶世芬汪炳南儲士彥

一作硯

俱諸生成豐九年

帶勇從知縣葉兆蘭禦髮賊破之於水吼嶺及槎水等處陣亡

均贈訓導銜世襲雲騎尉祀上清斑竺阪忠義祠者才一門八

十餘口士彥十餘口先於八年月亮塘之戰均各殉難槎水之

戰王必興首先陷陣亡

安徽省志

徐貴馨州同銜咸豐九年倡練禦賊逆水阪陣亡贈知州銜世

襲雲騎尉子子元承襲後亦殉難又王有貴馳援逆水阪殺賊

數人而死

安徽省志

按訪稿徐貴馨子子元子輝同時戰沒逆水坂與此小異

朱上林咸豐九年帶練堵賊於盱眙之曹家大港陣亡又汪名

炳在盱眙闔門俱死之安徽省志

熊光洛廣東布經歷在浙江帶勇陣亡又前浙江石門知縣熊

光煦在籍禦賊捐軀安徽省志

熊光湖布經歷禦賊陣亡於同治十一年旌卹祠坊黃鈺奏案

崔含英崔守信俱六品軍功咸豐十年禦髮逆於撥蒿坂均陣

亡安徽省志

余茂林王心平劉士才胡集星俱咸豐十一年禦賊油坊壩陣

亡安徽省志

朱翠如咸豐間督練堵賊長嶺菴又練首徐桂芳程嘉穀程育

良程周南俱在長嶺岡林普義等在長嶺之林灣余志宏李焱

南等在康坡山均各陣亡安徽省志

江鐸以直隸州從軍同治元年隨同克復寧國縣城加知府銜

受傷卒於軍安徽省志寧國縣志

陳鷺峰藍翎千總同治元年從征潁州府力戰陣亡六年賜卹

世襲雲騎尉安徽省志

孫飛熊遊擊從征陝西鳳隴陣亡世襲雲騎尉又六品軍功王

良貴從征陝西同州府陣亡於同治二年賜卹又蕭可和蕭旺

周凌普照倪紹祥張雲芳黃日元張永清汪官選吳萬勝余邦

哲江湘南陳義發均在陝西陣亡於同治二年賜卹安徽省志

黃金山藍翎把總在河南畢營寨剿捻陣亡又外委歐宏元在

湖北廣濟守備曹連升在襄陽陣亡均於同治五年賜卹安徽省志

徐開業千總同治四年在泗州剿賊陣亡安徽省志

王得華楊得順陳元勛俱從征擒匪在湖北陣亡於同治六年

賜卹安徽省志

曹吉士黃玉桂黃廷經熊春發孫萬榮程其田黃廷謙俱在湖

北剿捻陣亡均於同治八年賜卹安徽省志

劉遐志霍山十三保練首咸豐六年十一月帶勇四百餘攻西

門戰敗死之

徐琛字蘭芳歲貢生少倜儻負大志矜尚氣節咸豐七年粵兵

犯順竄擾濳北率侄楷等倡義起團拒敵敵猖獗力不支整冠

北拜引義自經殮時衣帶間有遺言囑子姪曰我等踐土食毛

點滴皆君賜矧世列膠庠有警無所恃捐軀奚足報涓埃爾等

務立功為我補過云云十年姪楷等隨同官軍克復濳城稟准

予卹入祀上清忠義祠採入通志

葛世慕咸豐六年髮匪入境募率練勇拒戰死入通志

黃永昇勇悍有拳力咸豐八年六月與賊戰於烏石嶺殺賊數

人力憊被執不屈賊碎其屍其死甚慘已採入京都忠義祠

王春字茂林候選縣丞咸豐八年罵賊捐軀恩卹雲騎尉安徽省志

彭賢相弟賢文咸豐六年邑令王曰川諭相勸捐糧餉邑城旋

失守賊訪覺圍相家搜出諭單捐簿遂執相相兄弟罵賊不絕

口悉被殺相妻楊氏併及於難已載省志子潤澤貢生俊庠生
蔣顯明蔣德名咸豐八年十一月初八日俱力戰陣亡追贈五
品藍翎世襲雲騎尉採入省志

張京元外委漢元弟也忠勇敢戰咸豐九年夏四月賊掠撞鐘
河鄉人婦數百被逐甚急會京元至大呼單騎鬪賊殺十餘人
賊少却俄大隊至遂死而鄉人婦皆得脫知縣葉兆蘭上其狀
贈把總世襲雲騎尉載省志分註從祀省城東門外昭忠祠
王心維忠勇敢戰咸豐八年夏四月從兆字營勦賊牛肩嶺力
戰死之贈把總世襲雲騎尉載省志分註從祀省城東門外昭
忠祠

儲烈字逢吉咸豐九年管帶兆字副中營勦賊陣亡追贈千總
祀忠義祠給雲騎尉世職載省志

儲者才字心培文庠性豪邁多謀略咸豐八年粵匪踞城奉諭
團練紮防水吼嶺賊屢衝不利探知才家湖嚮十一月十七薄
暮密發一隊由西路間道抄入次日巳刻突至堂弟監生萬里
同侄枝柏枝三枝叢枝宅枝冬及善長以忠大本伯壘扶先克
勤等率衆塹月亮塘拒賊賊多傷發火箭燒塹內積薪衆潰均
遇害才聞回救賊已遁由是誓志討賊復仇九年二月十八賊
來與戰大捷追殺十餘里三月初十日悍賊麕至才督戰不肯
退歿於陣各憲詳奏追贈訓導襲雲騎尉世職入祀忠義祠萬

里等追贈從九品銜從祀忠義祠載通志

聶世綦字靜齋諸生成豐丙辰冬率團練禦賊戰於陸家店被執不屈死卹贈訓導並雲騎尉子代忠襲世職入通志

汪炳南字隆遠增生勳辦團練咸豐九年在牛肩嶺禦捻力戰陣亡追贈訓導優卹雲騎尉入省志

儲士硯咸豐九年三月叔者才督戰陣亡硯收餘勇繼叔為練長四月破賊於雷家嶺十月擒賊帥於逆水河是月陣亡於槎

水追贈訓導予雲騎尉世職祀忠義祠載通志

較省志稍詳故兩存之

熊光洛直隸州州同咸豐庚申投効浙江委帶義字營勇保守杭城次年保陞知州賞戴藍翎杭城失陷力竭陣亡載通志

崔守信字瑞猶咸豐八年同崔含英等禦寇牛肩嶺力竭被執

不屈死之載通志

省志作禦賊劄蒿坂故並存

葉含英字三元咸豐八年五月率鄉團禦寇牛肩嶺奮勇爭先殺傷甚衆以無繼被獲厲聲罵賊賊解其肩猶大呼父母曰吾力竭矣遂死詳准列祀典

李萬榮字盛佐邑庠生少有志略咸豐間髮匪踞濰榮與邑人張振之團練以拒之一日與賊戰敗賊索張急榮挺身直認為張賊支解之已入省志續入京師昭忠祠

程芳州字周南咸豐間團練有功率鄉勇拒賊於長嶺岡力屈被執罵賊賊以刀割其舌仍罵不絕復斷其喉死之子可則聞

父被執奔救不及與賊鬪亦被殺時稱父死忠子死孝云又程嘉毅以兆字營勇與賊鬪被殺其子升堂亦以救父力鬪被執不屈死已採入省志

王遠寬字心平隸兆字營熟習擡槍技術咸豐九年八月助官軍擊賊油坊壩歿於陣載通志

儲道全義不從賊挺身辱罵匪怒穿頸亡時年四十八

徐貴福字宗盛名林咸豐六年身投行伍沒於陣

儲萬殊咸豐七年倡團堵賊集練勇數百人扼扎桐城掛車山下爲官軍營援屢次血戰糧絕陣亡將軍多奏贈雲騎尉

郭明星字德鎔咸豐十年從戎陝西保藍翎把總同治癸亥陣

七

吳寶書由文童投効霆軍隨勦髮逆保花翎同知銜湖北知縣因勦山東捻逆於同治戊辰八月接仗陣亡奉旨加道銜給雲騎尉世職子世膏襲職從戎保花翎遊擊銜直隸補用都司歷署直隸寶坻唐山等把總北塘海陽千總三河營守備

戴厚霖字立紀咸豐九年粵寇踞灣被獲勒使搜括鄰右及管理銀錢賬目霖均不屈大聲罵賊不已遂被殺鄉老至今慟之熊紹儀監生成豐七年與胞兄紹倫率領鄉團禦賊不屈同死難

李萬益咸豐六年粵匪入境遇賊不屈死

備志 藍翎守備銜盛軍左營哨官光緒甲午隨營往援朝鮮
力戰陣亡恤雲騎尉世職入昭忠祠

周繼鴻武庠千總銜任安慶防江營大通汛外委咸豐三年九
月帶隊殺賊臨淮關力竭陣亡奏給雲騎尉世職

方道猷咸豐時殉難已載通志

陳玉泉咸豐時効力兆字營十年正月禦賊貓耳嶺力戰而死
追贈把總並給恤銀一百兩世襲雲騎尉入昭忠祠

黃篤善業儒咸豐六年十二月粵匪入潯以救父被殺奏請旌
表入昭忠祠

黃本禮由軍功洊保花翎卽補參將同治十一年隨穆將軍余

軍門征川陝雲貴等省歿於陣

汪顯猷字延齡咸豐十年以鄉勇隨官軍克復城池立戰功復
隨官軍與寇大戰於槎水坂拔幟衝陣斃賊無算同治元年隨
官軍克復蘇州省城積功賞五品藍翎候選千總後隨大軍克
復江陰無錫金匱等縣力戰陣亡

朱光發字有祥身材奇偉咸豐末投左軍克復浙江及廣東鎮
平嘉應等處又在陝西平回匪積功洊保副將銜花翎參將光
緒元年冬在陝甘剿匪陣亡欽差大臣左奏准照副將陣亡例
給祭葬兩雲騎尉世職並准立傳入祀昭忠祠

張宗譜咸豐五年禦寇陣亡張宗彝咸豐八年兵亂禦賊受傷

罵不絕口而死張瑞麟同時禦賊力竭而死均詳請入祀忠義祠

桂郁雲字宮菲監生性任俠善詞章咸同兵亂倡辦團練賊不敢入境旋有悍酋統大兵至力敗被執脅之降不屈身受數刃罵不絕口而死事載省志子潤清孫一圓俱庠生

徐賢俊字麟書監生爲人慷慨正直排難解紛咸豐十一年七月粵匪竄踞黃泥港率子侄等轉戰連傷七鎗罵不絕口而亡徐賢遜字順之徐道模字作霖均同時領鄉團隨官軍擊賊黃泥港被害

汪祖沂字燕貽邑庠生成豐己未充兆字營隊長在水吼嶺督勇力戰陣亡奉旨追贈訓導給雲騎尉世職入祀忠義祠採入通志

劉古煥字秉彝生性鯁直咸豐間粵兵入境被獲不屈而死王芳來字恩湛性孝友膂力絕倫咸豐間髮匪入寇令家人遠避以一身禦之被執至廬州府賊嘉其勇勸令入黨乃大聲疾呼曰大丈夫讀聖賢書所學何事不能爲國破敵但憑一死竟遇害妻儲氏撫孤成立人咸以節義兩全稱之

劉古芳字盛恩廩膳生在陝督勇拒匪屢建奇勳陣亡奉勅入祀商州昭忠祠

儲恩寓字泰來咸豐甲寅粵寇之亂發粟賑濟貧乏戊午冬寇

入境被執擄掠無完膚罵賊不輟而死時年八十五知縣葉兆蘭親書正氣凜然四字旌之詳奏照陣亡例議卹崇祀忠義祠
余賢貞字廷珠咸豐戊午二月陣亡入祀忠義祠載入省志
儲光北字京尚咸豐八年率壯勇扼粵匪於宋家口賊知不可上遂間道襲其後力戰遇害入祀忠義祠

吳來標咸豐八年投兆字營陣亡於黃梅坳入祀忠義祠

余運乾字愷同咸豐戊午十二月陣亡入祀忠義祠載省志

儲光霞字晴觀咸豐八年糾團丁拒賊於月亮塘手斃賊數人賊忿力攻之與弟晴亮同遇害而從弟光強亦殺賊二人賊忿執之不屈而死俱崇祀忠義祠

吳正鎔咸豐七年陣亡於天堂大黃沙嶺入祀忠義祠

儲枝福字超遠咸豐七年奉諭團練奮勇擊賊又同官軍進剿生擒賊一名賞給軍功六品九年陣亡祀忠義祠世襲雲騎尉
王含章咸豐十年禦賊殉難贈把總給雲騎尉世職

儲光壬字體文咸豐間與弟被賊執不屈同遇害崇祀忠義祠
王文亨字之田咸豐戊午與賊戰於天堂黃沙嶺卒於陣祀忠義祠

吳忠地字培元監生成豐丁巳賊踞天堂率鄉勇禦賊於桃嶺被害事載省志忠節傳孫升松附貢生

儲萬全字瓊玖性忠直慷慨咸豐八年督練禦賊被執不屈死

祀忠義祠

雷懷枝咸豐七年入兆字營陣亡於天堂大黃沙嶺祀忠義祠
儲萬甸字漢江咸豐丁巳粵匪自舒霍竄天堂練勇戰於湯池
阪與萬哲萬化等勇敢直前敗績皆死之彙報議卹崇祀忠義
祠載省志

王芳蘋字春江性忠勇隨兆字營隊伍咸豐己未冬與匪戰於
舊營坂陣亡祀忠義祠

王國賜字錫慶禦寇於鐵鎖嶺奮勇爭先被鎗炸死祀忠義祠
儲春貴字三魁咸豐戊午十一月率練禦匪陣亡追贈把總子
茂之襲雲騎尉

儲經猷端慤有品望善誨人咸豐八年與從弟德才禦粵寇同
時殉難崇祀忠義祠

儲爲美秉性忠厚咸豐間團練授軍功六品督隊剿賊於王婆
坳陣亡追贈把總世襲雲騎尉崇祀忠義祠載通志

儲萬山性仁孝咸豐戊午冬賊竄境扶親避賊追及之不忍舍
親去賊殺之彙報照陣亡例給卹崇祀忠義祠

儲萬坤仁愛性成咸豐戊午冬賊突至祖父母衰病衛之不忍
離賊遽戮之崇祀忠義祠

儲枝美咸豐八年陣亡崇祀忠義祠

儲枝延字三林讀書善詩文咸豐間粵賊陷縣城奉諭團練屢

建奇功八年冬率練勇扼險要大股賊至衆寡不敵力盡以殉
給雲騎尉世職載通志

王道行團防効力破賊陣亡卹給雲騎尉

儲光華字焰昌性忠義粵匪之亂奉諭立局起鄉勇力籌經費
未幾賊至罵賊不屈賊斷其脊而死崇祀忠義祠載省志

黃家齊性忠勇咸豐時與賊戰歿於陣崇祀忠義祠

劉義駿字宮鶯咸豐丙辰殺賊捐軀入祀忠義祠

張鴻漸咸豐間充當兆字營隊長九年冬血戰王婆坳陣亡奏
給雲騎尉世職光緒乙巳採入京師昭忠祠

葉宏啟儒生守正不阿咸豐間粵匪猖獗以義憤助練剿賊戰

敗被執不屈死卹贈雲騎尉

葉宗珍咸豐寇亂率練勇禦賊衝陣亡

陳尙志字洪波號子成咸豐間從軍累功遞保提督賞戴花翎
並英勇巴圖魯名號光緒時統軍駐防台灣倭寇台灣志與戰
奮不顧身遂殉難旋清廷割台畀倭忠不得敘至今台人傷之
陳寶材字潤之咸豐間從軍累功保副將加總兵銜同治間率
軍平捻以身捍敵視死如歸在浙江紹興歿於陣

汪添明字同德咸豐九年投兆字營効力在王婆坳禦賊奮勇
衝鋒不克遂殉難追贈守備銜卹給雲騎尉

王理燮字達材咸豐八年十二月督鄉勇與匪戰於黃沙嶺被

執不屈死祀忠義祠

徐玉蘭性耿介咸豐時粵寇亂罵賊而死徐爲山玉蘭之昆弟賊執命負任不從曰吾寧死豈肯爲爾賊出力乎亦被殺

范榮周字裕成千總分發山東禦寇威海陣亡

胡家三民國二年潰兵入境力衛地方中彈死縣省均給卹金蕭鸞攀余堯典余列三楊道珍均於咸豐七年正月初四日在小李尖山口禦寇陣破身亡採列通志入祠鸞攀入忠義總坊王芳鏞號韻如性耿介被執罵賊死從祀安徽昭忠祠並入忠義總坊給雲騎尉世職

王澤字克生江蘇候補分司芳鏞子咸豐癸丑正月皖城失守

罵賊捐軀從祀安徽昭忠祠入忠義坊給雲騎尉世職

王翺遠咸豐戊午十二月罵賊殉難失屍

王鐸遠咸豐丙辰十二月罵賊殉難

王炳字曉勻以團練功保光祿寺典簿銜咸豐十年監修水吼嶺礮堡二座勤勞致疾卒載通志義行傳並入忠孝祠

王銘芳字之盤王培元字善良葛起初字崇信均於咸豐戊午先後遇粵寇不屈死之

葛起祥字長發藍翎把總咸豐辛酉逐賊歿於陣

金聯芳號魁元咸豐九年攻賊陣亡世襲雲騎尉

儲枝澁監生性慷慨好義咸豐時奉諭籌餉不敷卽出私財接

濟以積勞成疾卒邑人哀之

儲學爲字省謀咸豐九年賊犯槎水被執不屈死之崇祀忠義祠妻殷氏罵不絕口賊忿甚積薪焚之

安徽通志

儲萬墨字龍發咸豐九年隨兆字營帶練勇禦賊屢挫賊鋒陣亡於槎水事聞崇祀昭忠祠載安徽通志

儲萬聰字萬全咸豐九年爲義勇隊長戰屢勝後奮戰場四坊斬賊魁數人賊衆伺殺之事聞從祀昭忠祠載通志

儲萬多字同福嘗以忠義訓後咸豐九年率孫春省與羣從子枝果枝禱枝貽凡五人導練兵助官軍剿賊槎水並力爭先皆死於陣時號五義

儲道一咸豐九年粵匪入槎水謂妻曰率土皆王臣吾不可以偷生妻曰果如其言吾亦從之遂持刀殺入賊營而死人謂節義成雙

儲萬鎰字永傳咸豐九年爲義軍謀被賊執脅降不屈死之

儲萬翎字茂盛咸豐九年隨兆字營義軍剿賊槎水大勝追至南堡河陣亡

儲學銀字貴和咸豐九年被粵匪追獲不屈而死婦金氏以身捍夫賊殺之子萬鐘往救護首受刀絕而復甦以天年終

儲學餘同治二年捻匪竄境携眷及鄰眷避難數賊逼婦女甚急餘憤罵被執仍大罵不絕口遂遇害

金盈隋咸豐六年粵匪入境罵賊不屈死

儲萬鍾字彝書與弟銀書被擄不屈俱遇害載通志

儲恩久少孤與兄恩濡事母孝粵匪亂被執欲脅降怒曰爾狗輩終烹鼎鑊恨吾不及見耳遂受害報入忠義總坊載通志

儲枝鳳字茂林咸豐八年團練遇賊被執怒罵不已賊斷其肢碎其頭骨

來福儲麟筆僕挺身救主主獲免賊怒亂刀砍之後收其屍無完膚

儲枝仕字紹賓咸豐八年率衆禦賊自晨至午賊統大隊至練軍潰遇害

儲枝駟庠生訓導者才之幼子咸豐八年賊乘夜間道抄入湖嚮與母葉氏同時被獲賊見駟瑰奇欲携之去駟抱母不釋手同聲罵賊並遇害死後猶執母裙不解載通志

儲枝葱字道傳咸豐八年以練長築圩堡於月亮塘九月與魏旂景新春信春仁春南等督練剿賊均歿於陣從祀忠義祠載通志

儲萬楷字忍思膂力過人咸豐時集鄉勇禦寇於天堂黃沙嶺衆潰被擒罵不絕口寇支解之

儲其美咸豐八年十一月追賊陣亡載通志

朱聲顯朱景祈均咸豐八年在黃沙嶺鬪賊陣亡祀忠義祠

馬國治咸豐六年十二月遇賊不屈死之

彭光德字學明監生成豐八年冬粵匪犯境率鄉團禦賊力竭死

崔游於咸豐八年禦賊熊巔巖被執不屈死之同時死難者又有葛在明崔連芳王長年皆以不屈死

儲新可兆字營勇每戰爭先賊識之設計擒獲脅降不屈見殺
崔啟明咸豐間投福營爲兵護餉遇賊與鬪力竭見執不屈被殺

王英多字若倫五品軍功咸豐三年於安慶禦賊陣亡葬於大龍山

蘇大美同治三年被賊掠不屈死

鄭道鴻咸豐六年粵匪竄境遇賊不屈死

儲春迎字殿祥咸豐九年粵寇犯槎水隨練軍追賊南堡河石橋頭陣亡

儲大雅軍功保獎花翎遊擊升副將後以剿賊陣亡

張善繪字文煥咸豐九年十一月隨官軍與賊陳玉成血戰於小池力竭陣亡奏准議卹祀昭忠祠

郝秀榮字化士膂力過人咸豐十一年七月在桃花鋪被賊圍獲不屈死之

余盛彥身願驍勇孝友性成咸豐八年弟被掠奮身前救赤手

與賊鬪力竭被害

程一聘字華隱忠節載通志事蹟見程煥孝友內

宋慎健字毅剛號鐵夫性剛直咸豐戊午六月粵匪入健宅健大罵賊縛之其媳余氏爲翁乞命賊亦怒殺健並殺氏其屍最慘

王文惠咸豐八年罵賊殉節

程九生程東昇素有勇力咸豐九年擊退水吼嶺賊敗成天侯皆先登陷陣旋以趕辦軍需火藥觸石火發同遭其厄臨死猶大呼殺賊准入祀忠義祠

羅月攀好讀兵書咸豐間入兆字營戊午冬禦賊於烏石嶺賊勢大熾或勸攀退攀曰逃則俱殲不如奮力一戰或可倖全言既挺身鬪以獨力不支卒遇害

羅東應咸豐十年隨官軍敗賊油坊壩賊復回攻東爲後殿手刃數賊勢不能支赴水死祀忠義祠

王芳地字獻羣咸豐八年與賊戰歿事載通志宣統三年由縣令凌詳請世襲雲騎尉

甘渙相字榮川咸豐八年冬與賊戰於王家牌樓被賊鎗刺入腹幸族人名海晏者迅奔至持大刀砍賊相亦斃海割賊首獻功葉公兆蘭獎給六品相荷優卹

宋承菊字鍾陶咸豐八年隨宋如虎與賊戰於黃龔沙子頭陣

濬山縣志

歿入祀忠義祠

程士淑咸豐九年僞成天侯犯水吼嶺淑先登陷陣被執不屈死崇祀忠義祠

王國玘字坤贊年八十八咸豐八年粵匪擄掠入玘宅玘罵不輟死之

周振興氣勇敢恨粵匪暴虐常佩利刃誓欲殺賊咸豐八年六月遇賊於王家橋出刃殺賊不勝被執賊卽以其刃殺之於橋頭

宋廣足性剛毅有膂力咸豐八年十一月遇賊於西山塆鬪且罵寡不敵衆被執死之

汪綸字秦然諸生咸豐辛酉粵匪至綸端坐於庭昂然不避賊執之不從以矛扣其脛綸曰頭可斷志不可降賊嘉之囑充文書事不可以刃強之尤憤罵不絕受數刃而死

張祖雋字義官遇賊不屈被害逾旬始殮面顏如生事載通志忠義傳

張武竇字繼僖任陝有奇氣咸豐八年粵匪之亂值母病在床或勸之去竇曰我去母誰事生死以之可也賊入室見其容貌魁梧疑是武弁經夜盤詰拷掠無完膚竇憤言不屈賊怒支解之

張壇宜字節美諸生粵匪入境婦女遭蹂躪不堪宜罵賊而死

鮑若梁號南江工詩文咸豐辛酉秋賊至誘之降梁怒罵曰恨不即殺爾豈降爾耶賊怒脅以刃益大罵賊終不忍加害欲全之卒乘賊防稍懈投井死妻汪氏苦節教子壽八十

方會慶咸豐時以軍功保四品油坊壩之戰身先擒賊奮勇血戰陣亡

劉泰茂咸豐八年獲匪送官軍時匪冒官軍茂誤交遂被殺張期意咸豐八年匪大至率農持械與抗不勝被執至蓮花塘不屈被慘殺

汪濟川字紹淮咸豐八年冬粵匪大股竄潛濟川率鄉團抵禦被擒不屈賊怒殺之投其屍於火事聞卹予五品頂戴國子監學正銜續准部咨照四品官以下陣亡例議給雲騎尉世職長子占魁前充兆字後營左哨長保舉儘先外委襲世職

凌厚來僑居無爲州同治元年與弟厚文奉札辦團十一月率鄉勇在大嶺剿賊獲勝給軍功六品銜二年三月率鄉團隨大軍剿賊於州之草鞋嶺乘勝追賊至巢邑騎龍岡大股賊至與弟厚文死之奏卹雲騎尉世職

周道統字寶盈咸豐九年賊徒竄入龍井關統隨鄉團抵禦力竭陣亡

王文林字美賢咸豐八年冬粵匪竄境與弟美玉暨子姪諸孫等協力堵禦力不能支兄弟均遇害

儲道長字大林咸豐八年憤賊蹂躪單身持刀殺賊數人賊來愈多尋被害

凌千紅咸豐八年遇賊不屈死

汪殿招遇賊不屈死

汪隆祥字有信咸豐九年冬率鄉團禦賊力竭被擒不屈死

沈民望咸豐九年賊以甘言誘降民望大罵曰吾豈甘心從賊者乎不屈遂遇害

沈愛修咸豐八年隨鄉團守龍井關隘口挺身殺賊力竭陣亡
桂永富咸豐八年冬與弟永康隨鄉團禦賊於龍山大石嶺力戰陣亡

余輝楷號大經善書咸豐辛酉春寇至脅從不屈死

汪高香字盛佑僑居來安縣咸豐元年隨鄉勇護城死之
彭光德監生成豐八年粵匪入境德倡練鄉團與賊鏖戰力竭死之

江經煒字正言有膽略咸豐時率團練屢與賊戰後歿於陣安慶府劉給義烈堪欽匾旌之

李克明藍翎千總在陝西陣亡

胡洪臻咸豐八年九月帶隊在江寧殉親給世襲雲騎尉入昭忠祠

徐善根字立培粵匪之亂辦餉有功保五品頂戴咸豐辛酉罵

賊不屈死妻陳氏撫孤成立壽八十五

韓春林同治元年投効老湘營積功保舉都司銜守備用六年隨大軍入陝西剿匪陣亡卹給雲騎尉世襲

張瑞鶴張瑞海胞昆弟也同治初投効馬隊後營五年二月隨官軍剿捻於山東濟寧州城外鶴奮勇當先中鎗身斃海見兄死催馬直前手刃數賊力屈亡於陣

徐子煥寄籍懷寧於光緒八年從戎台灣充當管帶十年十月與日本戰陣亡爵帥劉奏給世職入祀忠臣祠墓福建廈門鎮觀音閣旁有碑

柳清字春芳五品藍翎光緒甲午與留閩總鎮陳尙志殉難台

灣

張子書名興字學詩清光緒時考入廣東陸軍速成學校畢業卽委充本校領隊官嗣調充陸軍第一混成協部教練官兼充砲標第一營管帶官民國成立充廣東都督府一等參謀嗣改委本署一等副官二年調任陸軍第一師司令部副官長三年補授陸軍上校實官改充陸軍第四團團副駐紮澳門之前山防範得力陸本部團長嗣因兵變被鎗殞命督軍陸電奉大總統令給陸軍少將恤典

方將字寶田監生候補巡檢太湖人僑寓滯邑爲人倜儻不羈少時肄業太學上書陳時事慷慨數千言屢試不第遂旋里授

徒舌耕自給咸豐十一年七月將在塾聞賊至肅衣冠端坐賊見之曰爾胡爲者將曰欲殺賊奴以報朝廷耳賊手刃刺之將疾馳至門外身赴池罵不絕口賊怒甚亟覓火器擊之將大笑趨至深處滅頂死同治元年奉旨予卹

咸豐七年正月初四粵兵踞縣城居民團練於城北小李尖山口以禦敵陣破死節者名目列后

程金殿	程朝班	雷廣明	操良才	操名義	操鳳高
葉萬豐	戴在昇	戴茂林	戴福生	張善福	張德鴻
江儀廷	江盛榮	程詔懷	程斯明	涂以文	江雲愷
王年青	王錦長	凌生財	王德生	李恒茂	朱象泰
朱象坤	李秉儒	儲雁南	程效昂	程旺保	李星贊
李佩言	李永言	韓永高	程鳴謙	葛皖峰	黃啟元
韓象彩	程祖惠	程祖蔭	胡雲龍	程思明	李廣才
李效仲	劉郁文	丁日發	儲龍法	張恩洪	張恩榮

楊詔豐	徐長發	徐月生	葉純風	涂蘭秀	涂思和
陳文炳	楊效舜	楊喜保	楊道珍	汪名傳	余堯典
李旺生	操九保	江六九	儲金法	王木生	王和尙
朱方來	張細保	曹禮和	儲國賢	楊修來	楊紹唐
汪緒前	章道生	柯功烈	韓福彪	李成鳳	徐四元
李春榮	張太生	汪體全	王世采	曹又桂	蕭中堂
程祖植	蕭鸞攀	儲丙望	儲國祥	儲金元	蕭雨生
蕭福長	蕭翰香	蕭旺生	楊承先	李大碰	李雁飛
楊君臣	王廣太	王格家	王格言	程海南	胡毛生
陳壽延	程金佩	程南雁	程在朝	徐長生	胡桂華

方東來	桂雲海	王年豐	王席豐	操煥文	操天貺
余列三	汪七九	江聖宗	張錫林	葛三喜	關正美
儲成美	韓金榮	丁小五	程尙綱	胡年豐	涂顯謨
涂有才	涂長春	涂忠義	以上死節者俱已採入通志崇祀昭忠祠		

咸豐七年十一月粵兵韋志俊由太湖至天堂上清徐嘴彭居仁等督勇堵禦黃沙嶺勢不敵陣亡甚多知縣葉兆蘭詳報督撫會奏奉旨勅建忠義祠紳民殉難各姓名彙列於后

楊如春	朱秀立	王達才	彭光烈	彭先覺	虞正廣
徐克儉	儲廣來	汪家富	王立綱	汪飛略	汪達雲
程益德	汪百達	虞金堂	彭用正	聶艷四	汪應典
江月正	江泮成	劉美餘	儲博文	王震林	儲儒珍
楊秉盛	儲有備	汪學全	陳名顯	儲班序	江萃和
江成周	江肇修	王家齊	儲大浩	楊英傑	單月桂
王其綦	吳韜石	陳崇禮	汪作求	陳善交	王芝田

王德能	劉樂然	劉永言	魏良善	彭其身	徐復春
汪成烈	王體重	陳宗元	韓志同	楊富有	江致中
程森發	程森才	焦斯和	張永太	程維義	王重賢
虞蘭茂	王會同	王心法	沈心則	吳春和	張名著
汪名揚	汪和生	楊采繁	楊作賓	楊高成	朱克立
江炫奇	王春全	儲召元	江國榮	黃良成	吳以忠
孫月桂	王能容	方岑樓	江宏美	王萃南	丁重金
江金城	儲泰交	王皇緒	徐以忠	黃起才	王南升
萬起才	吳正鎔	林熾昌	王紹堂	虞旋山	汪光洪
王勝美	王恩高	張艷名	王國昇	劉攸同	徐明遠

張克寬 孫所欲 朱定一 儲道行 雷懷之 曹學成

程會春 尹漢陽 余觀成 尹漢甫 余後同 劉念華

林麥登 吳守年 李善雅 尹聲傳 汪存化 汪生化

夏學立 沈序爵 沈佳修 沈光耀 沈光宗 朱超凡

劉椅桐 江世發 汪瑞光

殉難

張祖啟 張宜得 張宜讓 張崇先 以上均咸豐八年殉難 張武紆 咸豐

十年 張武賡 張宜中 俱咸豐九年

濬山縣志卷十六

人物志六

武功

濬本巖邑土風淳厚古未有以武功顯者宋元迄明之末季天下雲擾土人依山結砦相保聚所以自固吾國事平輒散歸非欲馳騁於功名也粵匪之亂鄉民循故事練團自衛湘人葉兆蘭令濬山察其可用乃以楚軍法部勒之為兆字五營蒼頭特起屢從官軍破賊為胡文忠諸公所激賞遂以敢戰名天下其後分隸大軍轉戰各省建偉勳而膺懋賞者固不乏人而退守巖壑老死牖下尤未易一二數也茲取其有事蹟可紀者依實

登錄而以咸豐十年獎案人數最多之姓名官階附綴後方其當時死事者則別入忠節述武功傳

元周樞密舊志逸其名至正間武進士紅巾賊寇境公聚鄉衆屯馬園寨保障生靈十餘萬先後十五年屢破天完兵以功授樞密同知明太祖出師鄱陽借糧公公助米千二百斛洪武間仍守舊土有德於民民祀之舊志

明甘澤以功嗣陝西平涼都指揮使司都指揮僉事事闕舊志

葛佺湖廣常德衛千戶其先葛昂從明太祖有功昂子永綱又征交趾有功佺得世襲舊志

儲承祖以功嗣金吾前衛指揮同知事闕舊志

柳雲以平倭功世襲千戶舊志

楊文勝元末紅巾之亂於陽城山立寨保障鄉里遠近居民爭依之太祖征陳友諒文勝來歸擒友諒參政郭泰於白沙河以

功授惠州衛承信校尉世襲千戶危素楊氏譜序江南通志安徽通志

陳文露濳山諸生明季徐黃兩督撫委鎮崑崙寨屢禦寇圍有功保全生靈數十萬清朝屢經獎准叙功固卻不愛安徽通志

彭正學字爾錫幼習騎射壯精韜略順治戊戌年以功擢浙江黃巖都司陞授平陽遊擊康熙十九年榮賜歸田邑侯旌匾曰

解綬榮歸卒年九十二舊志

戴宗禮字爾敦儻有智略自幼精騎射嫻習孫吳兵法順治

初授廣東廣州府副將時有僞總兵某恣焚掠督撫委禮援剿數日報捷殲渠魁獲僞印招服餘黨六千人救難婦三百餘口捐貲各給銀米招親夫領回土民勒碑頌德調陞宣義將軍出勦江西崖石寨復調征福建漳州府懸崖寨招降僞提督某等九千餘衆事聞嘉調度有方紀功超擢時年逾六旬辭職歸里日與知己詩文贈答以終老焉卒年七十五子啟麟由國子生考授縣丞未仕卒

孫式玉字招一號衡南由武進士銓廣東惠州府守備恤士卒勤訓練尋統五營公事超擢韶州府遊擊與士卒同苦樂陞授肇慶府參將兼署副將管轄徭疆調度悉中機宜檄委督造城工於高州始興南雄等處各勒碑紀績雍正乙卯護廣東布政司印監試文闈出師征古洲管理軍需差校記功旋署本標中軍副將兼惠州副將乾隆元年授驍騎將軍後補湖廣提標中軍參將以功題署鎮守鎮總兵所至皆畏威懷德留碑紀績以養親告歸卒年七十

孫越字再超號桂麓由武進士補授廣東督標左營守備以廉能委署本營參將四年疏題補黃岡都司五年委署南澳右營遊擊南澳重地向無文職刑名錢穀悉屬遊戎兼治蒞任數月兵民感戴十三年補授連陽營遊擊乾隆元年授懷遠將軍四年委署三江協副將凡三任粵東寇盜不驚後與兄式玉告養

歸里十五載足跡不履公庭卒年七十四

徐顯英字美含號惟傑明萬曆人由庠生官壽州都司慷慨有勇略流寇犯壽州顯英妻范氏攜幼女投水死之顯英保壽州賊圍城浹旬顯英堅守尋以病歸續娶朱氏薛氏生子三弟顯遠字鴻舉由庠生任江甯遊擊禦寇有殊勳清初隨大師征贛以功論任原官顯英子益簧早卒益籌庠生益科字慕仕弱冠有父風親歿哀毀盡禮卜葬父母於縣西黃泥鋪居城市不履公庭以詩書課子孫好施與里中貧乏者待舉火邑人德之壽

八十四

舊志

劉光國字建侯乾隆元年舉人兵部勞班期滿授閩督標右營

守備調陝西舊縣關中軍守備二十年辦馬議叙旋擢白塔都司時進勦阿睦爾薩納光國隨定邊兆將軍惠至喀什收服回民二十五年邁拉木叛隨阿尙書里袞戰於伯什克勒一晝夜抵城下手斬二人邁拉木遁追六晝夜至呼魯木獲之二十六年至小和卓木得霍集占首級以獻擢西甯遊擊簽授山東曹州參將署沂州副將卒於任年六十光國工書翰頎而長美秀如文士及臨陣則勇敢直前敵人憚之故功輒加等先後得功剖四兆定邊尤愛之

舊志

余觀德武舉咸豐初倡練殺賊九年管帶字兆營戰槎水阪等處皆勝以功擢藍翎守備從征浙江卒於軍世襲雲騎尉

安徽通志

鄭道明字朗軒豪俠有膽識粵匪之亂初從程忠烈學啟破嘉興保藍翎千總程公歿隨曾文正公轉戰各省奏保花翎守備銜文正公薨李文忠留充巡捕委造糧船奏先儘先都司請假回籍與弟洪勝均有德於鄉里至今稱之

以下新纂

鄭洪勝字道齋投効湘淮各軍積功洊保記名提督烈勇巴圖魯賞三代正一品封典歷充天津盛營管帶官援台各營統領北洋武衛軍馬隊全軍統領委署直隸督標中軍副將洪勝狀貌雄偉謀略過人馭軍嚴而有恩故人樂爲用其在天津小站淮軍糾土匪爲亂勢方張各營均擾動洪勝激以忠義誘以重賞兵士感奮以二百人攻賊三千餘衆於糧台內奮擊大破之

並使人撲滅糧堆之火軍米獲全爲統帥周公盛波所獎拔光緒九年奉飭率盛軍與毅軍統領聶公士成乘英國商輪繞道援臺既至謁劉壯肅公一見器重之委統各營進駐前敵奮勇爭先奪回要隘砲臺於是臺南至臺北之糧道始通中東事起李文忠公飭帶督標衛隊五百人馳赴朝鮮七月進攻大高嶺復隨聶公大軍攻克連山關分水嶺等處有功迨約成率隊回任二十四年勦滅山海關外鬍土各匪所向有功二十六年拳匪肇釁各國聯兵內犯至六月間見聶帥陣亡乘輿播遷則撫膺流涕雖欲以死報國而事無可爲和約旣成乃解組歸歸後門前插柳道旁種竹優遊自得凡鄉里有善舉無不資助余家

井鎮及普渡菴上下游隄壩先後潰決紳民再三請其監修遂督工修築閱數月告竣居民始獲安枕辛亥秋武昌起義盜賊蠡起本縣紳商共議糾集團防招募民兵編成隊伍名曰守衛團以其熟悉戎行請爲團長洪勝不忍辭自備資斧躬往督練聲威所懾亂黨解散合邑賴以救平旋以積勞病故時壬子閏五月也年七十一歲洪勝久歷戎行有功不伐里居見義勇爲尤爲鄉里所推服原配曹繼娶唐均封一品夫人子家駒江蘇候補縣丞早卒媳汪氏盡節殉夫次家潤江西縣丞家源業儒有鄭家濬鄭宗烈者均隨洪勝在奉天大高嶺連山關分水嶺等處打仗出力並勦辦關外鬍匪有功保藍翎儘先把總鄭家

邦則隨洪勝援台以克復台灣功保舉千總銜藍翎把總光緒十五年卒妻程氏苦節三十年現年五十五
余紹敬字禎祥同治元年由鄉團投入淮軍積功保花翎參將七年因在皖鄂豫齊吳五省轉戰功免補參將儘先補用副將九年保以總兵記名簡放先緒十三年經四川總督劉奏請留川補用是年署理永甯營參將次年監試武童騎射旋調任督左營並綏定營遊擊在任軍民洽服歿後人猶思之妻徐氏封一品夫人子敦崇邑文庠好義舉

徐積誠字紫垣光緒二年隨左軍轉戰新疆各處積功保以參將留甘儘先推補旋以五次剿平邊寇功着免補參將以副將

仍留原省儘先推補並賞給信勇巴圖魯名號十年十月以新疆六載防戍功賞換依博德恩巴圖魯十六年醫理迪化城守左旂馬隊都司借補迪化城守右旂馬隊守備陞署撫標右營遊擊旋因西甯回匪竄匪一律肅清功保俟補副將後以總兵遇缺簡放借補庫爾喀喇烏蘇營遊擊調補撫標中營參將陞補喀什提標莎車協副將三十三年調補迪化城守協副將因勞致疾請假歸卒年七十一賞正一品封典妻趙氏封一品夫人封贈三代皆如其官

張開甲隨官軍轉戰洊保花翎協鎮銜兩江儘先補用參將光緒十年調署江西蓮花營都司委帶景德鎮保安營轉授廣信營參將兼帶開信軍五營以勞卒於任

汪炳傳字道傳咸豐七年隨多將軍剿粵寇有功保藍翎把總充前營步隊營官九年在湖北江西一帶剿匪丁父艱歸其年寇尙充斥蠶入六屬所在輒遭其毒傳獨保鄉里無患並救護黃龔祖塋蔭樹族人稱之同治七年請補天堂汛外委時賊餘黨沿山擄掠勢極洶涌天堂司巡檢怯遁更委傳代理兩載壽七十二

馮魁號梅邨由武進士衛守備用充四川安定中營管帶戊子冬實補穎州營城守備兼護穎州營遊擊因功獎遊擊銜兩江卽補都司充穎州保安軍三營統領保總兵銜兩江卽補副將

魁寬和能容衆所至軍民洽服里居足跡不履公庭鄉黨重之
程興發字紹祖咸豐末從多忠勇軍剃髮捻功保舉花翎都司
銜告假回籍復隨陝西提督雷正綰在甘肅平涼等處歷著戰
功保加遊擊銜檄調出關平定回疆克復疏勒莎軍迪化各城
左文襄公保奏記名提督力勇巴圖魯補授甘肅固原州提標
後營遊擊調署靖遠協副將年餘仍回本任發臨陣身先士卒
善衝鋒回人以程蜂子呼之光緒二十六年卒於任所奉旨優
卹

徐森字理陽諸生軍功六品性聰慧博通經史作文未嘗起草
咸同匪亂以督練被執繫邑大臣殿下欲害之森喟然曰生讀
聖人書死於聖人廟可也假紙筆題詩四章詞甚悽惋賊奇而
釋之懷邑舉人丁米文爲傳紀其事

劉開元號紅村由武舉揀選千總咸豐十年在籍團練剿賊有
功保以守備儘先補用統帶兆字全軍洊保免補都司以遊擊
儘先補用並換花翎亂平不仕以耕讀世其家子輝閣郡庠生
錫光守備孫國鎮升三俱庠生錫光號藜階咸豐十年團練有
功洊保花翎守備本省撫標補用

徐賢銳字周冕咸豐九年粵匪竄擾知縣葉兆蘭倡立兆字五
營銳應募入營効力衝鋒破敵屢著戰功克復瀟山縣城案內
保舉藍翎把總加守備銜載通志

陳迎祥字瑞生成同間從軍與粵匪轉戰江浙鄂贛等省所至克捷遞保參將光緒間統淮軍防朝鮮剿哆吧有功保副將加總兵銜並賞戴花翎旋統鄂軍剿平宜施各屬會匪賞捷勇巴圖魯名號

王灼字煥之文庠以兆字營督隊有功並從官軍恢復瀋城功奏以訓導卽選嗣以克復省城及肅清蚌埠懷遠等地在事出力賞鹽提舉銜以教諭卽選

吳濟川字秉文少讀書弱寇遊庠值粵寇亂委帶兆字中營恤士卒勤訓練屢率兵及天堂十二保練勇血戰北鄉逆水坂等處並破賊於龍井關保全居民無算十年隨邑侯葉率營守瀋

城賊衆數十萬自湖北回救安慶隨茂字營與賊戰於南鄉油坊壩炮彈如雨仍猛力進戰大獲全勝督撫會奏賞五品頂戴按察司照磨

余宗焰字清修體貌魁偉曉暢軍事幼習舉業年二十四繼父理家政時家三百餘口共襄事務紛繁焰以青年約束內外婦孺翁服尊長亦心嘉其能迨粵匪之亂縣城陷沒土匪滋擾焰乃與儲開泰余成銓等團練鄉勇隨兆字營助湖北官軍復瀋山縣城境內肅清當事者彙奏賞給國子監學正銜焰爲人幹練公正鄉黨宗族無間言至今人猶思之子七均克家孫炳宗歲貢生曾孫敦謙邑庠生

余成銓字席聘幼習詩書長多才幹咸豐八年縣城覆沒土匪
滋起銓因與儲開泰余宗焰等起鄉勇秉邑侯葉兆蘭令勒爲
兆字五營銓領兆字後營常稱勁旅所向多捷咸豐十年銓等
遂以練勇助湖北官軍克復瀟山縣城當事上其功由六品軍
功保以外委歸本省撫標儘先補用旋擢升把總未赴卒年三
十六

周士盛字衡山投效淮軍洊保副將歷充江西撫標盛字營統
帶調帶浙江撫標楚軍右營兼帶越軍總理浙西水陸營務處
法越之役助防鎮海有功保記名總兵嗣經川督劉奏調入川
統領四川安定水陸全軍駐紮川東南各屬防守巡緝滇黔邊

計鹽務兼統先鋒長勝正右旂統帶安定後營隨使巡閱全川
各路軍營奏辦西藏前敵防剿事宜搜捕長甯興文等縣土匪
剿撫馬邊廳夷匪考查湖北荆宜等處水陸防務辦理黔鄂交
界會匪會同各縣拿獲盜案巡視川東防務積功奏保堪勝提
鎮加提督銜軍機處存記花翎英勇巴圖魯名號光緒二十年
在軍病故奉旨從優議卹諭賜祭葬蔭一子以通判用並附祀
淮軍昭忠祠及吳武壯公劉文莊公李文忠公各專祠春秋致
祭國史館立傳盛爲人明敏豁達所至軍民翕服爲當道所倚
重與人交尤誠篤無町畦遠近皆推重焉勳績甚偉沒後案卷
散佚紀載不能詳

儲北堂號松軒倜儻有膽略咸豐間隨叔父書林帶練剿粵寇有功賞六品銜後爲兆字營哨長從楚師克潯太兩城授藍翎千總加守備銜復隨楚軍總統席方伯爲二十四營總巡查積勞成疾而歿當時惜之

儲聲聞號九皋體貌魁梧有膂力咸豐間常効力淮軍以功授藍翎千總加守備銜後幫帶江西撫標盛字營奉檄捕賊勞瘁成疾嘔血而死

張家龍字少雲軍功保藍翎千總充浙江楚軍右營後哨哨官駐防寧波鎮海積功保花翎遊擊咨調赴川充安定左營營官汪鈺字佐珩道光乙未恩科亞元花翎都司咸豐九年粵寇踞

越城官軍與戰於槎水幾敗鈺忿急忽得鐵鑽在手銳入賊中斃賊無算遂大捷知安慶府事葉兆蘭贈鐵鑽歌以誌其義勇爲時所傳誦云

徐慶雲由武童投効霆軍歷帶霆字馬隊新前營迭克潯太甯國及句容金壇等城擊敗廣東嘉應髮賊攻剿湖北安陸府豐樂河永隆河楊家澤捻匪大獲勝捷同治八年調歸奇捷軍委帶正藍旗馬隊總哨攻勦回土各逆克復滑源狄道城池擊退金積堡竄匪岷州潰卒積功保至總兵賞卓勇巴圖魯歸陝甘委用署涼州鎮羌營遊擊調陝甘督標前營遊擊借補固原蘆塘營遊擊調固原提標右營遊擊未赴任以修墓請假歸卒於

家壽六十七子祥富陝甘補用千總祥貴由武生拔補外委加五品孫詩秀軍功五品得金藍翎外委

郝秀甲字金明咸豐間從戎積功洊保花翎兩江補用副將駐防金陵下關吳淞口等處子忠興忠廷俱守備

郝忠裔字雲峯以軍功任新疆烏魯木齊及撫標中軍參將署烏什協副將調瑪納斯副將賞戴花翎業鏗額巴圖魯子敬祥敬莊均官新疆

汪炳炎字虎臣咸豐間從軍積功保提督銜記名總兵利勇巴圖魯歷充北洋淮軍盛字營先鋒官並總稽查中軍營務處差戰蹟見平定粵匪方略子德文候補縣丞

程綬之字庶懷號晴嵐剛介有權略咸豐中以團練平寇功保授守備轉文候選國子監丞調廣東祿步丞遷橫查巡檢奉檄捕高要水坑蓮塘盜八十餘名陞授高要知縣七月告歸優游泉石以書史自娛子咸五庠生義祿嗜古學義發豪爽有父風程道南咸豐七年七月賊酋由水吼嶺分路進掠南帥鄉勇出黃龕遇賊於沙嘴頭設隊嚴防賊遂遁八年八月李中丞續賓克灣匝月復失知縣葉兆蘭進紮柳家坂舉南爲又貞里練總九年二月擊退水吼嶺賊四月敗僞成天侯衆墮雷家嶺賊卡十一月十五城賊援太抵水吼嶺南率勇禦於黃龕十二月僞英王陳玉成援太抵高橫嶺南帶勇助大軍敗賊追至黃絲嶺

十年正月隨大軍破王家塆賊營官軍恢復潯太南皆帶勇相助母老辭不受職以子興品秩誥封奉直大夫

胡清漣字耀廷監生成豐八年在湖北訓字營投効接辦營務處十年隨官軍克復潯山城垣一路條陳兵事機宜以功保五品藍翎巡檢不仕與邑紳倡復聖廟考棚又倡修薛家堰大壩均捐巨款篤宗族修家祠皆力行不息

鮑福貴號竹軒由軍功保副將傑勇巴圖魯光緒七年授雲南遊擊十年統帶廣西梧州前軍水師兼統三江緝捕水師十五年管帶廣東石龍段巡船防務

汪詠字紹曾咸豐間粵寇猖獗佐族兄鈺辦兆字營屢爲間諜料敵如神故所向有功後隨曾忠襄克復南京積功保協鎮銜補江蘇平望營都司精訓練卹士卒軍民皆服卒於官

汪潤華字卓軒邑人寄居六安東西溪保自幼讀書遊庠卽翹異有膽識咸豐三年安慶失守華詣州請諭倡團練仿古寓兵於農法明號令謹探謀始事即平土匪誅其魁朱明愷明年州城陷繼以大饑華倡蠲平糶復購麥以助賑民以安堵七年粵賊擾東流河磨子潭曹抱嶺各處近逼東西溪華多設方略備之斬馘俘獲有差又與捻匪戰於程途嶺勝之傷賊甚夥殺賊數十奪旗械近數百時咸豐八年正月初七也三月初一又大戰於小溪河及單龍寺先是賊欲取徑南擾潯太道梗賊酋張

落刑率衆號三十萬縱橫蔓延四十里長驅南竄所當輒碎練勇禦之相持半日莫敢先動忽賊一酋趨前婉言假道願卷甲韜戈垂囊過境秋毫不敢犯不許殺賊數十生擒一人賊忿甚明日傾衆分路來撲華先設伏於要隘以一軍出小溪河一出單龍寺而賊大衆以由單龍寺衝至適寺舊藏藥酒十餘甕賊爭飲之迎風胥醉華復命舁大鼓於高山巔桴鼓督戰時天微雨陰雲四布其避亂走山者亦皆大呼張軍威聲震陵谷賊大驚潰賊酋張落刑身受重傷北遁是役也殺賊二千餘奪器械輜重無算威名震鄰邑擒匪自是不敢復犯矣厥後惟粵匪時來時去均未聽其入境九年二月粵賊由磨子潭來犯殺其僞

將軍廖自菁賊連日投書索戰不應遂去亦不復來以咸豐十一年九月病卒春秋五十有三華善卜知醫慷慨有俠氣亂耗初動即命其子光炆兼習擊刺法後光炆於同治三年率練助大軍攻剿粵賊於白水康皮畝各處甚有功

儲璣字瑤章廩貢生寄居六安高才博學倜儻多權略粵匪之亂卽所居因地勢築堡自固遠近徙堡中避亂者殆數千家璣出粟贍其老弱而編壯者爲團丁訓練精熟賊至攻之不克間出奇剿賊賊屢受大創遂不敢近陳玉成之援安慶也裹脅粵捻號稱數十萬道六安力攻之璣隨機備禦示以整暇賊竟無如何舍之而去當時潯人之僑六霍間以能殺賊名者東溪汪

潤華與璣齊名而璣屢推大敵勛名尤偉云璣以書生激於義憤出家財聚衆保鄉里殺賊無數而不尸其功亂亟時淮軍宿將如劉壯肅公銘傅李中丞元華輩皆久居堡中深服其爲人與其用兵之方略其後轉戰各省屢書招之不肯往當事敘戰功洵保同知直隸州亦不就承平後猶率子姪屢入鄉闈賢者之不可測如此

儲開泰字才茂咸豐辛亥武舉魁梧奇偉膂力絕人咸豐寇亂奉檄結團管帶兆字後營一日寇踞槎水隨大營余際昌血戰事平擢守備加都司銜賞戴藍翎不赴

葉梓材號楚山邑庠生成豐時團練鄉勇請六安李元華率兵破賊積功保五品銜訓導親老不仕

汪光明字載熙南遊粵省習速成學校礮科畢業湘撫岑委充礮隊隊官民國元年任廣東陸軍第一師一等參謀陳炯明宣布獨立矢志不從推少將曹鼎鐘爲陸軍全權代表往梧州請上將軍龍督師救粵布置已定即派代表到粵與陸軍代表曹會議起義機洩與陳鍾英梁燾坡同時被拘至八月四日上將軍龍到粵取銷獨立陳驚竄其黨杜貢石杜澄石刼光明等至行台戕之三君子同時殉難全粵軍民大開追悼會官府聯翩祭奠中央電令照少將例從優議卹遺族年金六次予入史館立傳先飭稽勳局存記崇祀忠烈祠少將曹譔書紀念碑泐石

濶山縣志
粵東門外忠烈祠前

附錄咸豐十年保獎兆字營人員全單

內閣中書王維新知縣王曰修賞戴藍翎國子監丞程綬之遇
缺卽選巡檢藍翎胡清漣方麟祥儲浩柳銅章從九巡檢吳濟
川汪燃儲嘯谷楊桂芬國子監訓導朱彬訓導王灼王森榮王
兆愷劉焰南儲寶書儲英胡琳蔣太祥王濬川韓宗愈王璠柳
基醇徐淦陳義蕭元杰葉梓材光祿寺典簿儲鵬余楷書王世
榮王炳鹽提舉儲文斗儲樞詹事府主簿楊益秦秦聯晉柳染
衣國子監學正王猷徐嗜劉雋余宗焰未入流典史操衡王琢
城葉天曦督撫歸標賞戴花翎守備蔣榮連藍翎守備儲開泰
余觀德劉開元汪鈺儲干城藍翎千總張雲會朱秉鈞韓元鼎

藍翎把總許銛汪詠賀良松儲開甲劉錫光蔣濬源黃省謙葛起元張開甲徐周冕吳虎臣柳弓裘張仁貴林其中余慶有陳文會蔣克培蔣汝高儲略宋高照徐承恩八品外委把總陳彪陳尙志儲立身儲道隆柳需林柳桂枝張茂森王隆興宋萬壽程聯芳王繼堯張清元陳啟張煥元余大彬羅裴章楊德厚林鴻王佐賓王三元宋承志程樂遠柳廷綦程道南王逢年吳慶樓余承銓謝森茂程元生儲增福劉儀

人物志七

孝友

孔子曰中庸之爲德也其至矣乎民鮮能久矣又曰惟孝友于兄弟施于有政夫孝友正所謂庸德者也天倫之愛天顯之親人人有所當盡之分然驗之人事能盡其分而無憾焉者殊不多覲殆亦難能而可貴者歟中庸言車同軌書同文繼之曰行同倫蓋謂人倫之道古今中外所莫能易也海通以來厭故喜新者流勦襲影響之談習爲偏激之論欲取古今道德之藩籬一切抉去之由是相爭相軋攘奪無已世變將不知紀極洪範論治不一端而必歸本於彝倫攸叙孟子曰人人親其親長

其長而天下平然則欲挽回今日之世運舍是曷由哉吾因傳
孝友而有感於斯義願我父兄子弟善葆我淳樸古處之風而
相勉爲孝弟力田之民也述孝友傳

黃朝烈母病泣禱於天願以身代因割左股和羹餉之遂愈

袁學知母病顛天割股母食之卽痊推父遺產以讓二兄

汪勝魯母病垂危割股寸許和羹以進病頓起江南通志 安慶府志 宗黨

欲舉報勝魯泣曰虧體不孝會典所不取我不過冀徼萬一也

今若露母必不安事遂寢舊志

王基泰母病甚割股進湯沈疴頓起父九鼎死節故城基泰數

千里負遺骸以歸赴闕上書積勞成疾卒安慶府志 祀忠孝祠 舊志

李悅永樂辛卯舉人官深澤教諭父母繼卒廬墓六年食惟饘

粥雖鹽味不近安慶府志

陳邦符少孤母萬氏年二十守節誠邦符曰兒能勉讀父書庶

不負母忍死意符感泣就塾出入必稟命遺產盡推以讓叔授

徒以養母卒廬墓哀毀以恩選歷三縣學博遷潞府審理江南通志

萬曆辛卯纂修邑志後歷睢寧宿遷建甯府三學學博敦師範

講明聖學爲士林宗致仕歸年八十八從祀鄉賢舊志

丁一鳴號惺蓼萬曆丙辰進士授中書舍人性孝友清俸所入

悉分昆季崇禎間召對稱旨選給事中卒於官喪不克舉同官

助之櫬始得歸安慶府志 子宗祐邑諸生和易有父風

陳道賓

舊志作范道賓

庠生兄弟三人仲蚤歿有子四人皆幼道賓撫

育教誨為之婚娶過於所生又嘗設義冢塋枯骨有古君子之

風

江南通志安慶府志

王世蒸號震葉父蚤卒孝事孀母有弟六人俱穉弱世蒸撫育

以速婚娶成立拮据四十餘年不改其度

安慶府志

崇祀鄉賢祠子

振基揚基別有傳

新增

徐翊明廩生孝事二親友愛其弟教之成名甘苦必共

安慶府志

子

家修崇禎己卯副榜

新增

陳貞肅字台育邦符子色養二親與二兄友愛不忍析居長兄歿無嗣事嫂尤謹次兄歿遺孤二人年皆數歲貞肅撫育成入

分給田產與子維均

安慶府志

子衷亦別有傳

新增

陳廷選賊至母謝老不能行廷選負母匿草間為所獲將殺其母廷選叩頭流血請代賊殺之而舍其母妻陳氏屬其子文露

曰汝善事姑墜巖死

江南通志

崇禎清順治間疊邀旌表

增輯

張清雅字玉楚崇禎丁丑張獻忠來犯清哀守父棺不去賊入其家疑棺內藏金銀欲剖視之清雅據棺哀泣賊斷其手仆地幼子超藝年十六號哭求代賊復斫之父子俱死而棺得不剖老僕雲滿具兩棺斂之亦不食死

明史本傳

詳見王猷定所為傳載

軫石文集

增輯

芮琛明季饑琛采蔬自食得米粟則奉父母餘分諸弟父為賊

執琛挺身出代賊義而兩釋之有族弟流亡琛爲變產贖回安徽

通志

葉士怡歲貢奉母避寇山堡堡失守賊將殺其母叩頭求代遂脅多金怡泣告親友鬻婢賣產贖回途復遇賊母墮巖傷足負

行百餘里得全

江南舊通志 安慶府志

汪昌後明季土寇掠其家執母與弟昌後挺身出代賊義而釋之兄弟析產推腴取瘠鄰火延燒號泣虔禱風反火息安徽

府志

徐家麟諸生明季負母避亂遇賊刃其項過半母哀懇得釋一賊憐之爲縫其頸得不死安徽府志

程鵬峻明季寇亂携子和孤姪士享及族孫伯祿避寇勢不俱全遂棄子而去

金承蜩字簡在明季避寇虎頭寨寨破蜩適外出聞父母被擄遂冒刃詣賊營乞以身代賊脅買贏馬得贖回流離十八載身負家譜不敢遺失

清陳彝

舊志作 范彝

諸生事繼母極孝妻宣氏亦能謹事孀姑時稱

一門雙孝有友忤當事禍且不測彝挺身救之得免

江南通志

劉士義母病割肝療之父卒廬墓三年雍正九年旌表建坊

江南

通志

黃德音諸生年十八負母避寇一夜行七十里母卒年已六十

猶廬墓病危不解衰絰安慶府志

陳廷機父疾刲股得愈後出遊弟四人皆後母出並遭疫死暴

屍於野機歸刺血認骨以葬順治初土人踞山寨廷機奉操撫

檄招撫皆感悟降台邑賴之安慶府志

汪世奕八歲喪父哀毀骨立事繼母極孝叔伯恒省試覆舟奕

扶櫬歸里經紀其喪江南舊通志

劉餘第年十三父母俱喪結廬墓傍日夜泣血慘動路人病垂

危猶不止安慶府志子輝中康熙己酉舉人舊志

汪亮工父病割股救之得愈嘗遇水災僱舟給米救人甚夥同

邑諸生儲芳性父病兩次割股救又廩生桂道榮與弟庠生道

南皆割股療父汪文良華義旗俱割股療母

儲聰母卒水漿不入口者七日比葬廬墓二年同邑汪留芳母

歿築室墓傍三年又庠生周芳世父歿守墓二載

汪太宬增生事繼母孝父中和卒於廣陵官署太宬哀毀扶櫬

歸皖俗客死者喪不入室力排衆議迎柩中堂成禮

汪彥懿五世同居率子弟以禮

儲賢灝兄弟七人同居四世合家二百餘人無間言族有孤貧

鞠之二十餘年婚教成人凡修路施櫬善行不一

余道謙乾隆甲寅舉人以母老不赴禮部試母徐卒年九十餘

道謙與兄荆彝廬墓三年後官英山訓導聞兄病乞歸兄卒逾

年亦卒

葛護成父病刲股以進事繼母孝母失明嘗負至陝西往返歷六千餘里及卒廬墓母性畏雷聞雷聲輒遶墓哀泣

張紹泉母患目甚楚割肝和藥飲之得愈紹泉創亦無恙

徐訓一諸生山水漂其母柩訓一年七十餘徒跣日數十里夜臥大澤見流螢成團疑有異撥沙得一足褶衣黃色母歛時所服也抱之號泣有人告以前樹下有屍缺足奔視果其母惟脫頤下骨載歸將改斂有持頤骨來者合之良是急索其人不見咸以爲神

王宜相父卒廬墓母患目失明以舌舐之得復明至今人過其

廬皆曰王孝子家

省志

居父喪廬墓三年道光壬辰旌表孝子建

坊於北鄉陳家冲崇祀忠孝祠

新增

余若登年十二侍父病三月不懈以刲股獲痊又彭賢侃程珠玉汪體健俱父病刲股

黃經傳母病篤偕妻朱氏刲股療之又農人程能宏諸生余焯俱割股療母

汪和鈞監生吳范文從九品俱父母歿廬墓三年又余春耀父病革焚香祝代兩次割股以救及歿廬墓三年孫敏學母歿廬墓三年

張錦附生張鉞廩生兄弟共廬父墓晝夜哀泣鉞得寒疾以歿

著有崇正類編四十卷

儲枝柏布經歷銜繼母患疽閱七月枝柏與妻王氏日夜吮膿未嘗離側

崔家綿侑生誠篤盡孝親病號泣籲天願減壽以益親算未幾親痊而家綿卒

程可龍大水突至祖被冲至中流可龍棄子水中挽祖登岸子亦無恙

程二朋祖被賊擄二朋時年十二隨至賊所號泣求免夜縱祖逸賊覺殺之

仰思謙父病風起居必親負賊至執思謙閉居室思謙以頭撞

壁呼父賊給以父死遂大哭罵賊支解之又劉春桂儲玉田儲英才方全保俱護親遇害均蒙旌卹汪國榮戴德順石憲章儲枝冬鄭維川同弟金林儲枝駒均以遇賊護親死

余光楷徐兆縉俱親歿未殯賊至守棺不去被害

盧木林父被賊執木林年十三持挺擊賊被害

儲光藜奉親被難遇賊屬弟護父母出己率眾鬪死

王啟元母歿泣血三年父被賊執啟元從之旬日不捨賊感而釋之又諸生儲良旦母被賊執泣代得免

以上安徽通志

徐顯達號行求性篤摯事親恪盡祇敬其分產授弟自甘處瘠居家嚴肅服親喪哀毀骨立以廩貢入胄監徵聘纂修辭不就

子益泰益震幼子益臨庠生有才名早卒

以下舊志

徐堯宗字瞻岷崇禎初邑患蝗宗出倉穀以救後寇入大肆焚掠宗父棺被焚宗聞奔哭於道遇賊執以歸賊擄金帛出焚其廬宗以母柩在堂赴烈焰死賊首義之殺其舉火者致祭而還桂應秋字鹿賓廩生性孝友明季盜發民塚秋命家人避寇白崖山自廬親墓有賊數騎至將發塚秋呼號求釋賊以刃臨其頸神色不變賊相顧驚曰此孝子也釋之塚得全
葛修爵性至孝善屬文以補廩謁督學領批旋里適寇居潯境父爲賊執爵奔救賊釋其父而執爵見爵身有批文謂官憑索賄不得欲授以頭目爵抗罵踰時賊怒遇害

高可翀字爾飛天性孝友親沒哀毀骨立天顯之篤至老不衰行文磊落不羣補弟子員爲士林翹楚長子文徵次子文得皆不愧亢宗焉

楊柏年十八弟考年十六性俱孝順扶母避寇山洞母爲賊獲柏奔救被賊執刃交加考復出哀求併爲所戮頭落於地躍越數丈尸立不仆者竟日

張玉鉉字鼎賴廩生性至孝因父慶餘新喪寇逼門庭守柩不去賊欲發柩臥棺上賊斷其左手罵曰我爲父柩賊奴何得傷我又斷右手終罵不絕賊怒遂劈其顛然憐其守柩慘死而未發棺焉老僕張守匿於宅傍寇退收其骸祀忠孝祠

余可宗字因其號明岱幼失怙事孀母備極色養撫兩弟皆成名輕財好義尤嗜古力學詩歌古文詞奔放俊逸壽七十八子大節邑庠生嘗造橋賑饑焚券周貧克世其德孫光全成進士朱芾字伯英幼具至性七歲時母仰氏病篤晝夜號泣焚香叩天願以身代母死哀毀骨立十九歲補弟子員砥行修德爲士林所推詩歌古文詞取法漢唐教授生徒親課兩弟事兩繼母皆以孝著後以兩弟夭故哭泣成疾歿年四十六弟蘭有雋才與芾頡頏天亡無子士林悼之

葛廣璘號泰明幼失怙母張氏紡績課讀璘痛其劬勞寢食不離側明末負母避難匿河邊叢竹內適大霧蔽天得脫後寇復突至母驚死璘殯殮盡禮又因霧障寇不見而去兩番若有神護辛巳歲大饑族兄廣瑱死於盜璘殯葬之贍其家族有流離外郡者俱賴招還卒年七十六

黃之襄字七公諸生事孀姑盡孝養明季寇亂危難顛沛中定省未嘗或匱敦然諾睦宗族人以篤實君子稱之將死從容賦詩投筆而逝

汪伯桓字奇光髫年侍父病不解衣臥者匝月及卒執喪盡禮事兩孀母以孝稱待兩兄及弟無間言讀書一目數行屢試不售齋志以歿妻余氏嘔血而絕粒幾以身殉家人勸止之矢志靡他鄉族莫不嘉嘆

陳明度邑諸生性敏悟讀書日數行下事親承顏娛志具得歡心撫孤侄貧甥如己子嚴氣正性人有過多面叱之鄉里不肖者畏其知嘗代人贖鬻子完離婚助喪塋建橋設渡以利行人晚舉鄉賓卒年七十祀忠孝祠

汪伯棟字鳴皋年十四父母相繼歿弟方襁褓撫育婚教備至視弟子如己子教讀婚娶不異所以成其弟者子世道蚤列邑庠文行爲宮牆所推

余稟中字允執性孝友幼事父母順志承顏未嘗稍離左右及親故躡踊號泣盡哀盡禮視兄弟如己身兄弟之子如己子蓋庭無間言工文補增生祀忠孝祠

侯學博字子良父邦勳病篤籲天求代衣不解帶者月餘母病屈膝求醫投劑而愈後父母繼亡躡踊哭泣喪塋如禮歲饑借穀捐賑死者給以棺捐建宗祠命長子顯祖教讀其族中貧困者多賴成名塗中拾金訪主還之乾隆七年詳請建坊旌曰純孝延齡子二長顯祖文行俱優孝友敦篤次洵正氣稜然諾不苟父子俱祀忠孝祠

李逢春歲貢生天性純孝崇禎十四年荒亂其父病疫貧無以斂質其子營喪具後以葬父母與豪家構爭通學同爲伸雪得直其事縣令鄭適元副總兵梁大用爲之勒碑塚上後任江浦縣訓導

徐璣字玉衡郡庠生性孝友少從長兄益璋讀書於里仁岡璋弱冠食餼蚤卒璣與仲兄益瑜析居以祖屋良田讓兄課子莊舍遂家焉閉戶著述有行素堂家訓

徐家修字次歐號易菴廩生崇禎己卯副榜入監考授黃州府司理性孝友親歿日夜趨墓號泣塚旁忽生數椿庇蔭人謂孝感所致有戚屬家貧給田衣食之將赴任聞李賊陷燕棄職歸邑侯常舉鄉賓祀忠孝祠長子仞上年九齡應縣試邑侯鄭奇其文問小字答曰清命賦清字應聲曰滄浪之水伯夷之風取冠軍舉神童旋卒次子千英廩生千藻庠生

陳啟思庠生母李氏明末避亂白雲寨死於賊事見烈婦傳思痛母節飲恨終身每見母生時服物必流涕事兄啟聰盡弟道教家嚴肅子愈渾食餼賓念先皆庠生

劉成字二允庠生例授同知親老不赴杜門著述題書室聯云萬事到頭心盡懶一編去手口常吟又一聯云良田雖薄書田補陰地無多心地培其生平梗概倣此卒年九十三崇祀忠孝祠長子斑字士捷監生有父風年七十餘居父喪哀毀盡禮卒年九十孫棠甲子舉人

張靖謨字式文庠生父宏極年高靖奉養無缺與兄禹謨相友愛兄遭外侮竭力調護之生平耿直言動悉遵禮法閉戶以廉潔自矢邑侯段郡尊張皆器重之築環翠書舍教子授徒至老

不倦卒年七十一子期愈期元

余光玉字再相郡庠生忠質誠慤昆季中有急難一身任之歷艱辛晏如也篤先人培祖脈凡祠屋祀產雖多金不惜晚年闢堂構於殷家阪日與弟光全光璧等篤友愛焉

方廷禧庠生天性孝友敦宗睦族有同母弟四人壩破田荒禧均給財產又有族兄幼孤貧乏引與同居給食用者十餘年臨歿焚借券戒勿索洵古君子也

程宗品輝乾子也遺腹而孤愛母敬兄稍長就傅出入有期母嘗日病醫障類以舌舐得愈母歿之年遭歲旱兄先病發背宗品則救兄慰母詎兄病未愈而母病已篤氣甫絕宗品屢絕復

甦親鄰勸以送死大事及支羸軀冒酷暑拮据經營恐兄知己之哀毀骨立而瀕於死矣延至七終長號嘔血血盡氣經殉母地下兄疾昏兩月至是稍覺哭死回生委頓臥榻家人急救治泣屬盡售貲產以楚母弟醫藥喪弔逋僅留十餘畝贍孤姪萬濟資婚讀人皆義之萬濟樂行善事以金助體仁局惜無力請旌表祖之節與父之孝云

傅良佐字帝臣年十六補諸生事親承顏順志友愛昆弟伯仲俱早歿家中落佐拮据經營外應差徭內奉祠祀不以累弟姪張國禎字寧士性和厚嗜書史父歿家貧有弟四人幼者猶襁褓教養婚娶悉獨任之事孀母備極色養子四仲子翼力學能

文以數奇齋志歿三子高邑庠生

張期愈字慕韓號沙村廩生祖宏極父靖謨皆文庠靖謨品行端方娶黃氏生期愈甫十齡母卒依父膝下時祖父年高出入倚杖愈左右扶持得歡心既卒哭之哀年二十繼母徐氏生弟期元徐故愈愛護之家有乳婢每夜起抱哺之雖寒凍不懈時愈已娶劉氏氏待幼叔亦愛護倍至元後登賢書年八十每稱述兄嫂歔歔涕泣焉父後又娶孫氏事之益謹蓋前後事兩繼母無間言至今稱孝焉律身廉潔惟讀書教子嘗言爲學之道不外於智志二字能知所向之謂智能必至其所之謂志如是而已壽七十八子四長必位早卒次必祿拔貢生任直隸祁州

州同必剛丙辰進士必受庠生孫紹豐廩生紹庭庠生綱拔貢生

余宗鉞字士黃監生醇謹有器局家不甚豐兄弟間割產義讓性慈祥喜施濟年歉穀貴減價周貧乏婚葬無資解贈無德色長厚君子也邑侯兆安二公高其行誼兩請賓筵皆却不受年七十三卒子二一漢入成均一瀚膺鄉薦孫道中道謙皆文庠金持世字力扶監生性剛直然諾不欺事父母尤恭謹雖晏處必拱立侍奉兄弟六人怡怡也析居後弟染風疾竭貲調醫弟故撫侄如己子俾登賢序族黨稱孝友焉卒年四十四妻陳氏貞靜慈惠怒罵不及奴婢卒年五十四

徐益力諸生父兄弟三人叔無子力承祧析箸日伯將舉家產
三分之力讓不受伯義之乃撥田數十畝以爲另祧資力復讓
曰吾辭多乃受少乎其敦篤如此宅旁有望邑檀氏祖塋失祭
已數十年力招其子孫指示之俾不廢祀周鄉里貧乏不索其
償讀書至老不倦以耕讀課子孫卒年八十四

陳光宗字隆祀篤孝友奉親敬養備至兄弟終身無違家有危
難事不惜多金晚年志安先靈精堪輿所得悉佳城因困南闈
考授州同知卒年七十八

陳光縉字能誠監生敏而力學事親色養交至及歿殯葬如禮
與諸昆友愛無間析居後調易莊田不計值撫幼甥金留居已
宅俾至成立始歸卒年七十七子昌朝郡庠生

金光通字以友監生天性孝友父承祧病篤夜禱神求以身代
旋愈事母程氏色養備至一弟早亡遺孤周歲撫育成立給以
田宅生平恩篤宗族修家祠不辭勞勩卒年六十七

儲良旦字繼文邑庠生善屬文尤篤孝義一日羣盜入室舉家
避匿聞母被執旦突出冒刃泣代盜感其誠母得脫秉性剛直
兄弟間時戒以非正士不可交沒年八十三

陳璘字移孝廷機子也兄弟三人與仲弟琪早年入泮推產讓
財闔邑欽之廬母墓三年未嘗見齒父病入山構棺夜歸如人
伴行踵門始知是虎次早尋跡宛然

徐家華字建萬監生天性純樸喪妻五十餘年不再娶與伯兄同居六十年怡怡也析箸時三分家產以二予兄自得其一無怨言亦無德色戚屬有貧乏者輒竭力賑恤之鄉里有仁人之目卒年八十一妻馮氏賢淑貞靜

徐緣傑緣性緣勝俱少孤孝事祖母暨孀母生事死葬悉如禮尤能曲體親志其祖母與母聞長行嶺通衢人苦熱遂捐愿田數石建立延壽庵施茶又念烏石堰洩寒病涉造渡船給舟子工食利行人兄弟三人析箸產業各從其便毫無計較心一堂怡怡里人稱孝友焉傑字興士著有思省堂銘詞沒年七十二性字瀛士監生怡情山水貧寒不能備藥餌者解囊贈之勝字

諤士監生植品力學著有就花軒四書文稿

馬宏道字文子一字皖溪嗜學爲文一以性道爲宗父顯驥母孫氏俱高壽事之色養備至與兄宗道相友愛兄破產宏出金杜兄債且割已產之半給兄生平慷慨好義數修學宮造橋梁施米絮棺藥以利貧苦年六十疾篤夢人語之曰汝算已終因仁孝增壽一紀壽果七十二卒祀忠孝祠子德洋字季眉監生待諸兄撫孤侄極友愛夙好善凡父所爲皆踵行之現年七十二

金越萬字超寰醇篤嗜學善屬文病臥手不釋卷父故哀毀盡禮泣曰我先世構明發軒以招魂今父故安忍居處即遷別室

設像寢食相依如事生然母陳氏多病奉湯藥不解衣帶而臥受寒成疾母故悼傷過甚每食哽咽後成氣隔而卒妻汪氏性貞淑課子慈而嚴長子枝膺歲薦

王佐字舒九邑庠生奉親備色養親疾廢寢食以供湯藥事兄愛且敬弟隔居邑北早卒撫孤侄十餘載總家政捍外侮戴月披霜弗憚焉至遇里中貧乏輒致周恤有失業者或假資本給牛種有某將鬻其妻解囊全之卒年八十有六

王元浩字惟智監生性孝友事庶母尤得歡心撫幼弟恩義兼至俾得成立植品制行有古君子風卒年八十六

葛宗拱字正字少孤事母極孝奉伯兄教如同父命析箸時田廬僕婢無分毫計較戚里有貧乏者暗以粟帛給之不令人知芮傳字述成年二十三父病篤籲天乞代夜依父牀側忽倦臥夢神語曰爾性孝明神鑒之如爾請寬爾期續爾嗣也自是父病漸愈越兩月傳卒其妻葉氏七閱月而生子與所夢適同識者以爲孝感云

范超字汝一邑諸生性孝友父病禱神求代扃戶讀禮屏酒肉絕賓容終三年如一日構家塾訓宗族子弟不取束修貧者且給膏火

余常富母疾兩割股以救母歿宿柩旁又以私地塋祖父母營塋時宿墳旁

汪聰慧字若環庠生侍父疾禱神求代親嘗湯藥衣不解帶者數月敦友誼有私積悉推入公族里有饑寒者暗使人給以米綿其敦行類如此

陳光鑒少失怙恃孝事祖母葛氏葛因夫亡子夭泣血喪明鑒偕妻聶氏侍奉起居不離側凡三十年葛年九十四卒鑒賣田營塋三易其地鄉里有順孫之目

徐生瑩字燦玉監生性孝友父病劇日侍湯藥不解衣帶者朞年父歿哀毀骨立夜夢得高阪佳城遂卜葬廬墓一載伯兄瑀早卒瑩撫孤姪如己子生平好讀書課子嚴卒年五十一葛一振字玉聲幼孤恨不及事父曲致養於母撫孤姪如己子

里閭稱孝友焉妻熊氏徐州太守會珍姊也振早卒熊矢以身殉舉室環勸乃起育遺孤悉有程度好施予貧人德之卒年八十太守趙及縣令兆皆著有合傳

王昌珠字輝乘性孝友輕財重義兄弟二人伯有四子析居以六股分派產業奴婢自取朽敝臨終焚借券數十戒子孫勿挂齒卒年五十二

洪先元字如南洪水漂廬舍時父年老逐波去元奮身赴救父子俱溺郡尊徐查災聞其事深加獎恤

葛高選字覲廷有至性父病願以身代割股和藥以痊敦友愛謙謙有古人風卒年六十二

丁家祥性誠篤父病籲天請代割股和藥孝感復甦延三載父歿倚廬泣墓服闋設像庭中朝夕祭奠歲時薦新必誠必潔生忌齋祭無間終身有堂弟應瑞挈妻孥六口遷黃梅以疫病相繼歿葬官山祥聞扶櫬歸里買山營葬事聞學憲徐錫有純孝維風額

何伯伊字三召性孝友居父喪儀節悉遵古禮與兄伯麟同爨沒齒無間言己卯水災船載飲食逐戶哺之收葬水溺遺骸無算

孫起字汝作少孤嗜學工文捐經歷職事孀母劉氏盡孝遇忿輒跪請不食養必豐潔母疾湯藥必親嘗母歿卜葬盡禮事兄如嚴師財物不計有無六十年如一日妻涂氏賢淑子七長子瓊庠生

聶聯字捷三別字西園邑庠生性孝友父病常籲以身代歿後廬於柩側三年不入內寢喪祭悉遵古禮平生嚴正不阿邑侯張欲見不得

聶聘字湯三別字莘夫監生父明誨字谷生家範嚴肅訓子不使稍踰禮法聘與兄聯弟職咸守父教有吏才詣闕援例授官行有日矣倏抱疾卒於京

聶職字守三年最少父尤鍾愛職左右父側跬步不苟雖日數見出告反面益加恭謹與兩兄捷三湯三友愛甚篤自幼至壯

從無間言里中有諺云聶氏三三孝友可觀

金榮永字時可性孝友慷慨有志操荒歲出粟米調貧乏里人德之有故人子家貧嗜學榮永給膏火玉於成子二長希佐庠生次希佑業農兄弟同心曲體父志父母歿希佐希佑其寢柩旁三載不嘗甘旨希佑先兄歿希佐毀傷失明撫孤姪恩義兼盡鄉黨稱二難云

徐家和字履安邑庠生少失恃事後母得懽心母歿售私田買墓地囑諸子曰吾死必附此設親有未安吾忍獨居吉穴乎所費一切兄弟與則受否則置弗問生平重然諾好施予足跡不履公庭卒年七十五子節燦顯巖孫枝球俱庠生

張高字台贊邑庠生幼篤孝友苦思力學爲文淵博典重與兄翼應童子試嘗迭冠軍屢蹶棘圍遂鍵戶授徒爲人謙厚循禮與鄉人言必誘之爲善生徒貧窘者資以薪米委曲成之寒暑手一編至老不倦卒年七十八

江立玉字克紹性仁孝父代芳病篤禱神請代遂愈與弟立增共敦友愛足跡不履公庭耄年猶嗜學不倦課孫山永庠序有聲

汪文暉字時六監生孝事父母無間晨夕得二老懽心父病劇奉湯藥衣不解帶禱神求代鄉鄰重之

尤萃字士傑號靈峯監生性恬靜通經史尤精於易下閩不售

以詩文自娛念兄士成丁繁分爨田廬讓其肥美事親色養備至親歿苦塊三年不入寢室四時設饌薦新老年猶手不釋卷壽八十八

汪秀甫字旭初庠生父病割股以救父歿廬墓三年鄉黨稱孝焉

江岷字民山監生邑庠玉森子也少穎異六齡失父十六失母王氏凡歲時設饌抱痛瞻依待同堂伯叔昆季皆循分自安生平嗜學能文處世渾厚人稱爲長者子五三體恕庠生有父風李愷字有章監生孝友宗族無間言

劉從政字尊五號省齋國學生四歲失母十五失父事後母撫

弱弟慈孝兼濟年二十五妻亡不再娶惟一子斯極督之力學登賢書諸孫席業繩繩未艾族戚某以仕途家落給貲育其眷屬他如給米穀施襖絮予棺木有言報者輒拒之至倡修學宮祖若父後先濟美邑侯頰旌之卒年六十

黃德產邑庠砥學礪行愛敬友恭惠澤及鄉黨捐祀田保祖墓克纘先緒不幸早世妻唐氏節孝見郡志

黃化澤太學生少孤讀書明大義母歿哀毀踰禮爲母苦節請旌建坊表入通志建祠修譜濟族賑饑撫憲張公楷邑侯魏公其瓚皆以額表之

黃化溥捐授州同少孤性孝友力撫弟侄置祀產惠族鄰族推

家督

黃邦遠貢生得父母歡心擴祖宗舊業勤慎持家莊嚴訓子

傅鳳翼字羽儀性和厚篤孝友祖母老病翼奉侍維謹雖盛暑嚴寒冠帶不解動止循禮法與物無忤鄉族矜式之

儲達恕字百川幼業儒長入成均性孝友兄弟三人長另居季早天遺三幼姪撫摩教育如己子俾弟媳楊氏得全其節他如置祀產遺子孫里有借貸貧則焚其券老幼無依輒解囊相贈程煥字文甫一聘子也聘當明末不肯從賊爲賊首崩發所襲殺變起倉卒煥急負母汪氏以逃數日歸尋父屍山谷中屍多惟聘面如生旣葬夙夜悲號常佩利刃上篆不共戴天四字順

治六年爲前營隨征平毀四十八堡賊發勢蹙乞降當事欲納之煥泣請曰此卽煥不共戴天者也公欲貸之煥請自刎當事憐其志而許之遂手刃發剖心瀝血以奠其父奠畢復啖之九年操院李疏題准敘錄用煥以大仇旣報辭歸養母母卒哀毀骨立不異初喪歿年四十道光十六年旌表孝子崇祀忠孝祠建坊五廟 照舊志增輯 以下新纂

葛顯強少失學而性極孝事繼母及本生父母色養無違負繼母往商州就其本生父母千里往返背負以行又負生父母骨歸葬傭工力作積錢市珍物以奉繼母母死廬墓三年母性畏雷每雷動則淚下如雨見老嫗過則曰吾母何不在也嘗嚴冬

負錢詣質庫贖衣物見小兒悲啼問之則赴質而失其錢卽傾囊與之冒寒歸邑人熊藕頤爲之記載葛氏譜

余文章字紹安鄉飲大賓天性孝友不吝施予生一月父從本卒及長勤樸和介事孀母尤謹同族昆季因其友愛咸化爭心里有鬻子與媳暨婚喪不舉者俱捐貲全之捐修橋路種種善行不可枚舉母柩在堂隣室夜火炎焰將及章撫棺泣禱天爲反風滅火咸謂孝德所感乾隆庚戌章年八十七合家男婦一百三十餘口五代同居共爨無庭間言縣令馬據實詳請經撫部何督部書學政秦會奏奉上諭余文章年臻耆艾繞膝曾立洵爲昇平人瑞賞給五世同堂匾額隔三歲縣令宋又以章親

見七代據實詳請經撫部朱督部書會奏奉旨依議賞給七葉衍祥匾額兩次恩獎遠近榮之踰年卒壽九十

徐德芳字周萬天性純篤事父母承顏順志無纖芥違忤父母歿哀號痛絕廬墓六載又嘗買商人童僕後知爲良家子有母在卽賜多金令其歸養精堪輿凡貧不能葬者典衣助之置義山收埋無主枯骨兼知醫理鄉鄰疾苦者施藥周之曾赴金陵路拾遺金一封立候終日還之壽百一十四歲妻程氏壽九十嘉慶十六年邑侯任公具文詳請撫院胡奏請旌表給銀三十兩聽自行建坊予昇平人瑞字樣並加恩賞給上用緞一疋銀十兩以昭寵賚

儲儀封號巖甦附貢家世孝友儀封與妻余氏孝事繼母能爲人所難爲家有老犬乳犬啣食哺之客投以肉屢試無異母歿田中稻穗皆白當時異之光緒八年舉孝子著有增補孔子年譜二卷增註鄉黨圖考世統蒙求六卷節候本原三卷易經源流增訂發蒙三字經五經總義各若干卷巖甦詩草一卷卒年七十

葛起賓寄居陝西前負祖骨歸葬潯邑繼又由陝運父與胞伯父母及堂伯父骨歸葬

楊務滋字汝借性至孝爲人品端學粹慷慨好施咸豐元年湖北有乞糶數百人經過私散穀百五十石五年散布衣三百餘襲濟鄉里貧民八年髮稔交訂捐金四百兩督辦鄉團屢殲巨寇時有寇十餘人由天堂猝來上清班竹阪直逼其宅其母史夫人病革在床不遑昇避乃命其弟孔階等挈眷潛逃自在家以身侍母並割股禱神虔奉湯藥不作畏葸狀寇入室感其至誠無所觸犯而去其母病不數日遂瘳

彭年字瀚潮一字惠泉貢生事親盡孝孺慕不衰咸豐八年冬粵匪竄潯年母傅氏老矣年跬步不離遇賊哀告懇切詞色動人賊曰是人孝母驚老嫗可也釋之扶曳以行崎嶇山嶺間屢遇賊艱苦萬狀卒以保全其母已入省志寇氛日極年迺率北鄉練勇爲援師策應頗著勞瘁難平邑人議修文廟舉年董其

事工歸實濟費不虛糜承兵燹之餘民不勞而事集年之力也
壽九十二孫曾繞膝焉

儲經藩字弼臣性孝友工詩書善畫咸豐八年冬寇踞天堂值
父母病與兄屏藩挈家雪夜行兄負父氣絕於背藩負母躡折
二齒及曉抵一山莊完備喪事適賊至主人奔避藩仍哀毀盡
禮無懼色賊曰此孝子也遂相率去

王路遵性至孝咸豐間父被虜遵至賊營願以身代賊允之放
其父而繫其身遵從行至來榜河同德橋失足墜橋下下皆亂
石賊意必跌死不顧而去而遵仍無恙人以爲孝行之報云

江作楫字方之監生四齡失怙事母常得歡心母中年多病臥
床褥者五年躬奉湯藥無或怠咸豐八年冬粵匪犯境奉母入
山雪梗援枝負趨手僵膚脫賊至則枕伏叢尸中賊去乃起如
是者兩晝夜而免及母喪殮葬如儀而居鄉排難解紛濟阨扶
危有先正之風焉卒年八十二長子鳴卿見篤行傳

彭應昌縣丞銜母蕭氏晚嬰惡疾兩足不仁昌奉侍湯藥未嘗
離廢但聞呻吟雖祁寒中宵必起脫有所欲恒先意得之積十
三年而無難色亡何粵匪犯境父光德督鄉團禦賊力盡身殉
昌呼天號地矢志殺賊以哀毀過甚鬱鬱尋卒

朱組纓字瑞徵郡庠生資性魯鈍數日不能熟一藝而攻苦異
人或訾之則曰吾學不成何以對吾父言之輒流涕焉事父母

澗山縣志
跬步不離於弟姪友愛備至士林重之

汪泰字象泰庠生性樸厚事親至孝母聶氏患中風症目瞑口閉手足俱殭氣縷縷不絕者竟日延醫治之醫不肯下藥泰請益堅醫士蹙然曰病縱治手足必枯且不甚省人事遷延三年枯將就萎矣不治聽其氣微而絕不勝母子三載勞苦乎况君兄弟有四孝難一致將何爲者泰叩首伏地懇醫士下藥誓三載不出戶幃醫治之果然凡起居飲食櫛沐寒暑泰事之皆如病者意閱三載曾未一日間及母終以食指繁居第狹欲徙居崔家倉兄弟齊進曰茅舍三椽風雨且不可避身能安乎泰曰吾徒兄弟皆寬何茅舍之足慮決徙居後每至故第徘徊不忍

去去必揮淚兄弟造其廬必留之同榻寢別時更依依其天性如此享年八十一

徐子蔭字彩山寄居懷寧幼孤家貧性至孝母氏柏卒廬墓五載光緒間巡撫陳奏請旌表建坊賜州同銜

郭光霞字咸懷監生性篤孝親在能養志母喪扶襯出郭哀不忍歸遂隻身廬墓朝夕不離棺側不脫經帶不與人坐雖距家里許足跡未嘗一至家門越三載將葬霞猶不忍離棺弟等再三勸慰彊令歸家歸後修行養性戒殺放生於朋友則勸善規過教讀不取俸金髯長四尺有餘行坐盤於肩上光緒間邑令周備文申報准發帑金建坊旌表孝子

余焯諸生事父母先意承志到股救母病恒俟親安寢始燃燈讀書長於詩歌古文詞善書有褚虞筆意

見省志 孝友傳

余彬字華亭附貢生初父命析居續兩兄棄世後共姪合爨敬奉孀嫂悉循禮法俟姪成立始遷故居姪等皆遵彬教為鄉里所推重

已載省志

黃學蘇性孝友父病衣不解帶者匝月析居讓產養翼諸弟成立改葬先塋砥行礪節有古君子風家居嚴禮法教子孫以朱子小學為訓於醫術最善鄉里賴之得其教者謝以金靡不拒咸豐間積勞保舉布政司照磨子茂增生苾文庠芬優增生孫方秀增生庭旭文庠庭棟附貢生曾孫元文庠

王秉衡號藜閣父騰芳卒於台灣官廨衡渡海迎櫬備嘗艱險事母色笑承歡無稍忤年十九入邑庠老尤力學同治丁卯年八十仍以恩例中副車他如立義莊施茶助賑掩骨埋諸捐金皆弗吝卒年八十五

王兆熊號蟠溪咸豐間赭寇竄境熊喪母而賊大至居人奔避棺衾無所得熊守屍號泣晝夜不絕聲賊恐之以禍不止脅之以威不止至於吼怒相向以刃擬頸仍不止適某賊酋過動容曰孝子也聽其畢殮事更命其羣昇棺於山熊衰絰扶喪輿哀動行路賊相視有泣下者因得從容畢喪事熊通經為邑名諸生獎育後進多所成就

王曰欽監生孝父母親病湯藥必親奉歿後哀慟盡禮伯父遷陝貧困不能自食欽聞之不吝資斧往返數千里其已死者則扶柩歸葬其生者則挈回同居兩弟早卒幼姪孀媳以撫以養恩義兼盡復有姪被賊擄掠流離江浙間者亦不惜巨費覓回婚娶教讀悉視如已出家非素封力有不逮雖負債弗惜也故子孫均有聲庠序

徐經訓監生少孤母疾侍湯藥數月衣不解帶居喪哀敬盡禮撫孤姪孤甥恩情備至家雖不豐而好施予里人汪學勤遭難蕩產助資百餘金以濟王家墩廂埂被洪水冲潰屢墊多金倡築人咸賴之姪夏言中式經魁長子漢榮入歲貢三子懋榮長

孫瀚等皆有聲庠序

林琛優附生丁母憂三載不出戶一日卜地往河東大雨河水暴漲橋沒不可渡其子謂必阻水弗克歸至晚琛叩門問之則曰橋未沒家人往視橋沒如初純孝格天有如此

徐有紳字鑑亭兄有縉早卒無子紳生子卽出繼旋死嫂余氏慟不欲生紳力勸之乃解時紳年已六十餘矣旋舉一子付嫂撫育以爲己子或謂紳曰遲暮之年幸生一子又毅然與嫂公獨不爲後計耶紳曰寧孤我毋孤兄又因嫂遭喪厄家貲蕩盡分已產之半以予嫂後連舉二子年七十七而終長子緣楠次子緣喬皆學成名立有乃父風

余輝墀州同知性孝友年十四母病甚就養無方衣不解帶隨
審母意乃迎妻助養母歿後敬事繼母繼母視如己出時家共
爨三百餘口墀繼父董理家政內外有條長幼咸服

宋灼字俊心號朗齋監生敦行好義兄葵心病癆瘵醫藥罔效
一日灼以羹進味異常葵得少瘥後見臂癢始知其刲股也或
曰得無損遺體乎灼曰兄固父母之遺體也所損者小所全者
大識者韙之

吳范文性孝友父母歿與兄位東廬墓三年位東嘗爲木商折
閱賣田償債不足並賣范文之田時范文在淮安幕中歸家始
知自備金贖之並贖回位東之田兄弟仍怡怡也生平好讀諸
子及性理諸書暇日常瞑目危坐妻劉氏亦賢淑

第五册勘誤表

第五册勘誤表

卷數	頁數	行數	錯誤	更正
十五	九	十三	葉	華
十四	三		竺	竹
二十九	九		墓下 脫字	銀
二十	十三		感	咸
	十六		祠	坳
三十六	六		陝	俠
三十	八		親	難
卷數	頁數	行數	錯誤	更正
十六	四	九	字兆	兆字
		十三	先	保
六	五		先	光
八	十八		寇	冠
	十四	十一	推	摧
十六	七	二十	臣	成
九	四		姑	母
十二	一		及	乃

第五册勘誤表

